



13

特へ 16  
2752  
13



門 16  
流 2752  
卷 13

俞州山人四部稿卷之四十七

吳郡王世貞元美著

詩部

七言絕句一百三十首

殿前曲二首

磁垣鐵甲散晨光  
香篆微芬金鳳皇  
武帳日遲風自捲  
君王昨夜幸昭陽

其二

澄夜焚香叩寶壇  
雲璈鳳管簇回鑾  
月明千片芙蓉影  
蟬鬢涼生七葉冠

俞州山人稿卷之四十七

十一

昭和十六年  
十一月十九日  
購求

莫愁樂

細娘家在大江頭總為工歡字莫愁月明低按關山  
曲何處行人不淚流

平陽伎

楊柳堤邊控紫騮葡萄新錦費纏頭春燈徧照平陽  
舞不信流黃一段愁

其二

玉為歌管簇雕欄錦作蓮花捧翠盤一片新粧驚月  
色萬行瓊樹雪中看

閨怨三首

空成甲第與雲齊齊海燕無人不肯棲隔巷長干春十  
五銀箏偏喚一行啼

其二

聞道邊關樂事多前庭蹋鞠後庭歌不知刁斗聲中  
月曾照流黃錦上梭

其三

三殿論功拜徹侯平陽歌舞一時收無端却是刁環  
月更遣文君賦白頭

西宮怨二首

露井香生百合開夜深明月在青苔春風自怨歲華  
去

鎖那有西宮玉輦來

其二

點點蓮花漏未央  
乍寒如水透羅裳  
誰憐金井梧桐  
露一夜鴛鴦瓦上霜

小伊州

頻年轉戰未封侯  
還逐高陽酒伴游  
醉後祗今愁出  
塞雙鬟又唱小伊州

西興詞

留君無計恨匆匆  
盡酒停杯曲未終  
船到西興潮已  
落明朝還起石尤風

青樓怨

輕風細剪越羅寒  
紅淚徐傾蠟鳳殘  
一曲停箏還自  
語不知春思為誰彈

青樓曲二首

馳道高駿赤電飛  
橫摺蜀錦闔雞歸  
新豐酒薄人難  
醉夜半猶歌金縷衣

其二

姊妹爭誇夫婿殊  
衆中單道不曾輸  
千兵隊裏明金  
紫腰下寒光玉轆轤

從軍行八首

蹋臂歸來六博場城中白羽募征羗相逢試解吳鉤  
看已是金河萬里霜

其二

馬首垂楊折送行酒闌長揖寶刀橫軍中最是多兄  
弟不唱陽關第四聲

其三

朝來分隸李輕車揖客轅門意自如超距翹關三十  
萬何人領取豹韜書

其四

夜深鄰帳送胡笳三月春寒雪作花吹盡關山楊柳  
曲壯心元自不思家

其五

奇兵十萬擊匈奴谷蠡屠耆未擬停對陣奪將金勒  
馬獨身生致北單于

其六

蹀馬吹塵紫極昏洗刀飛血九河渾長城直拓三千  
里表取陰山作北門

其七

胡姬學得漢宮眉辛苦風塵損玉肌不為青春容易  
改十年番地失馬支

其八

鐵騎橫驅瀚海塵  
戈船直擣瘴天春  
不知南北功多少  
羞作麒麟第二人

橫江詞四首

越女紅粧隱畫桡  
驚波無際雪山搖  
貪趨破鏡西陵約  
不怕風江八月潮

其二

江生檀郎來往頻  
婆娑妙舞賽江神  
來時風水隨船尾  
欲往鷺濤好涉旬

其三

錦纜羅帆翡翠舸  
長年催趁午時潮  
江頭楊柳深相恨  
折損春風幾萬條

其四

青江一線日邊開  
萬古東流去不迴  
聞道海波穿地底  
可能還向磧西來

甘泉歌

千尺通星井  
幹樓玉盤天  
酒夜來收白茅  
螭捧黃金印  
五利明朝欲拜侯

秋宮曲

桂宮飄粟御筵香  
銀漏初添恩正長  
唱罷涼州天似

水百花僊隊按霓裳

春宮曲

十二珠簾帖絳紗山香一曲駐飛花  
當筵拜領葡萄酒纖月雙彎襯臉霞

涼州曲

玉門春色勝臨洮敕使東來賜錦袍  
聞道酒泉香似酒不煩銀甕貯葡萄

其二

千帳奚王作外臣射雕歸暮管絃新  
咲來杯酒稱元戎曾是沙場百戰人

採蓮曲

千枝婀娜媚朝陽風汎紅衣露碧房  
疑是吳王開水殿酒深初散越姬粧

楊柳枝

西蜀竹枝君莫聽且聽東吳楊柳枝  
是處春陰堪畫舫何村樹杪小青旗

其二

楊柳吳閭千萬枝橫塘風綰麴塵絲  
不緣游子無攀折總為情人少別離

其三

飛花欲捲翠蛾顰浪打萍飄惱殺人猶勝洛陽東陌  
上北風吹作馬蹄塵

其四

十月寒輕葉未凋淡黃踈綠短長條無情有態堪憐  
處日脚雲頭雨半腰

浪淘沙

晴沙萬疊倚江開不斷銀山滾滾來片晌只疑隨浪  
去千秋長自錦成堆

其二

潮來銀海欲連天潮落平沙故宛然得似古查能貫

月一年一度女牛邊

蘇幕遮

碧雅朱鸞紫金瞳喻日瀆波倒射空不為眩師偏作  
眩大家元住化人宮

其二

魚龍曼衍戲如神齧隊金牌色色新珠簾不動天顏  
肅始信支那有聖人

弘治宮詞十二首

甲帳銀燈夜未央漸看鴛鴦有寒霜三千粉黛渾如  
掃 聖主重幡日講章



其二

南海珠池貢已稀西川又罷錦文機朝來御服三經  
澣賤妄寧希曳地衣

其三

禁苑先朝紅藥臺御筵親為兩宮開莫嫌宮監希  
恩賞玉輦何曾更一來

其四

午槐圓影覆彤除今日天顏喜氣舒穩坐御床無  
一語但稱難得老尚書

其五

五月鯀魚白似銀傳餐頗及後宮人躊躇欲罷冰鮮  
迹太廟年年有薦新

其六

黃帕朱奩覆御羞手題頒賜壽寧侯昆明督亢從渠  
請今日臺官在殿頭

其七

琵琶雙鶴暗凝塵玉指生疎調未勻自是經年無曲  
宴不愁供奉數中人

其八

御前黃蓋進羹湯玉筋頻停不肯嘗應是司農聞水

早覺眉時讀兩三行

其九

靜數蓮籌第五更寒鴉金井未分明披衣欲坐猶疑  
早前殿連傳警蹕聲

其十

雪乳冰糖巧簇新坤寧尚食奉慈綸祈年好在齋宮  
宿莫遣羊車別院頻

其十一

掖庭愁閉自年年今日承恩雨露邊又是鋪宮新例  
薄空勞少府積金錢

其十二

急遣追鋒召外家南宮桃李正如霞自從光祿裁宣  
索長日從容且賜茶

正德宮詞二十首

十年彤管侍 先皇太液甘泉蔓草荒七葉神孫今  
好武苑西新闢闢雞場

其二

蜀馬分弮對打球織腰帖地澆青油金牌銀盃從渠  
愛誰敢爭先第一籌

其三

仙韶別院奏新聲不按唐山曲裏名青鷁白翎俱入  
破十三絃底似雷鳴

其四

金鰲橋畔柳絲長舴艋船頭有柘黃六院少兒初病  
酒御前親自過魚湯

其五

兔首熊躡載後車長楊輦道不須除勅教頒給言官  
了玉几知無諫獵書

其六

翠衫盤鳳稱身裁玉靶雕弓月樣開紅粉別依回鶻

隊

君玉新自虎城來

其七

急勅甘泉暫解圍期門百騎少光輝中宮昨夜聞歌  
管知道初從長信歸

其八

玉水垂楊面面栽豹房官邸接天開行人莫愛纏頭  
錦萬乘親歌壓酒杯

其九

夜半毬燈出未央俄傳鞞鐸向平陽六宮處處秋如  
水不獨長門玉漏長

其十

綈案東頭有皂囊不知疇日進封章付教河下金璫  
手莫遣 君王甲夜忙

其十一

淡黃初纈草屠蘇側坐蕭家老秃駒薄暮西風吹袂  
起小龍團底露真珠

其十二

西師入座講蓮經勅許姪娥取次聽纓絡寶珠從密  
施莫留餘障在宮庭

其十三

平明東閣下恩綸獸凱鸞翻色色新大內別開元帥  
府傳聲侍女莫稱臣

其十四

上陽宮裏進葡萄爭道沾恩色自驕小合黃封雙御  
押大官將賜霍嫖姚

其十五

六軍容衛自星羅熊館鷹房處處過此日靈臺顯候  
望不知龍虎氣誰多

其十六

帳殿春眠日色饒掖垣簪珥自群僚中官又啟排當

舟州山人續卷之四  
就亭午傳宣且放朝

其十七

純銀八寶白如霜金豆離離出尚方  
撒放御堦憑拾取內人男子拜  
君王

其十八

百子池頭九子祠太皇恩許進香時  
深宮豈少宜男草何地曾沾雨露私

其十九

傳呼京兆進春牛百戲魚龍曼衍游  
雜遝香車看不見好登遼后洗粧樓

其二十

勅掃椒風第二房俱傳侑女出平康  
天宮欲曉人間事約伴相過話夕陽

西城宮詞十二首

芙蓉新樣紫霞冠細擁珠璣小鳳團  
一片香煙叢裏出玉真朝罷簇迴鑾

其二

新傳牌子賜昭容第一僊班雨露濃  
袋裏相公書疏在莫教香汗濕泥封

其三

五雷壇上雷一聲海子開口雨縱橫祈靈驗後催傳  
賞馬上朱提玉手擎

其四

色色羅衫稱體裁鋪宮新例一齊開  
麥花小樣黃金合昨夜真人進藥來

其五

花底傳籌到五更隱囊斜倚到天明  
寒霜不敢蒙頭坐暖閣時聆磬款聲

其六

紅軒步輓碧油輪白玉堦頭不動塵  
阿監排當湏吹第喜來俱作放班人

其七

兩角鴟青雙筋紅靈犀一點未曾通  
自緣身作延年藥憔悴春風雨露中

其八

梨園弟子鬢如霜十部龜茲九部荒  
妬殺女冠諸侍長大羅天上奏霓裳

其九

鰲山烟火冠春城步輦龍旌倒褪行  
忽報大官供法酒玉音宣喚五先生

其十

西苑傳看白鹿歸金鰲橋下立依依不論供張能如  
鹿愁見鴛鴦接翅飛

其十一

侍女俱傳厭虜符貓爲鐵騎鼠爲胡掃捲一博天顏  
喜八寶金錢跪地鋪

其十二

不御坤寧二十年玉堦埋月井迷烟聯房自信無人  
到間放鴉兒自在眠

吳中迎春曲八首

十五女兒好容顏恰似楊花太劇顛貪過吳橋新水  
發濕着羅襦不解憐

其二

儂家少年來看春繡哈雕鞍色色新拾得金鈿便驕  
惜不道紅粧惱殺人

其三

弓鞋羅襪細溫存偏愛春泥印齒痕看到閨門天欲  
暝六街燈月照黃昏

其四

今年水雪太遲春分外催花羯鼓頻行過貴家春不

度隔簾呼住打毬人

其五

橋邊宛宛雙柳株  
賈客蹀躞千金駒  
停鞭半醉道春  
好笑入胡姬舊酒罏

其六

青天幻出木蘭舟  
對對妖童髮似油  
齊唱採蓮新樂  
府高樓拋下錦纏頭

其七

白髮田家一老翁  
欲行翻更伏兒童  
只問勾芒甚顏  
色還呼社酒醉東風

其八

帝城風物倍光華  
却比吳閭少見花  
解道天街春尚  
晚不知先落五侯家

燕京四時樂四首

城南韋曲春可憐  
侯家鋪埒黃金錢  
即妨蹀躞要歸  
去十五搗箏楊柳烟

其二

東華空望碧欄杆  
高棟承雲赤日寒  
不是葡萄渾難  
醉銀冰片片冰精盤

其三



薊門霜葉馬初肥  
胡錦輕裝七寶圍  
日暮金丸輝不盡  
紅塵一騎趁鷹歸

其四

青樓小婦熨瑤箏  
飛雪敲窓萬玉聲  
三十六簧寒不起  
自歌金縷到天明

古意

傳君移戍古梁州  
明月心懸隴水流  
莫恠夢魂逢不得  
書來依舊玉關頭

其二

莫誇靈藥鏡中過  
自是君恩薄更多  
不信雕弧摧九

日却留明月隱嫦娥

咏戍卒

下六首少時作

夜靜風高角自鳴  
鐵衣長掛酒頻傾  
細君莫厭離家語  
爭道明朝又出兵

其二

歲歲從軍出酒泉  
未知何日勒燕然  
相逢莫更嫌衰賤  
多少黃沙掩少年

送蔣子南歸

乍逐春風上帝畿  
如何短棹又將歸  
看君身似瀟湘鴈  
不厭年年南北飛

其二

潞水驛前雙畫橈送君頻上又相邀征衣半濕離筵  
酒心到閨門第幾橋

病起

推枕春林送曙鶯漸驚虛白上  
牕櫺書生貧病無他業一卷黃庭內景經

其二

蕭疎病骨怕逢秋伏雨斜風到枕頭  
一夜芭蕉惱不徹他自無情我自愁

計偕途中四絕句

閨門女兒妝髻輕三十四學銀箏行人不解絲中語都道陽關送別聲

其二

金陵望中山抹烟鐵甕城頭浪拍天  
居人盡說風波惡江口何時不放船

其三

日落徐河水亂流高城推柝漏敲愁  
相逢欲解珊瑚玦不見胡姬舊酒樓

其四

濟河北流復南流行到天津南北愁  
入生順逆雖有

齊州山人稿卷之四十一

分耐可此身居上游

立春日與吳峻伯席上分韻呼采得一枝花

綺裯分彩占年華  
疊翅鴛鴦色並誇  
最是夜來春信  
早就中呼得一枝花

將還故鄉醉別燕中友人

葡萄新釀紫霞文  
累酌深卮謝數君  
挂席還依薊門  
月鳴榔初蕩盪問雲

其二

酒肆藏名君不知  
別來方解問相思  
江南添個踈狂  
客蓮葉風前唱竹枝

戲題徐迪功五集後

一貧無夢到封侯  
屠狗吹簫不自由  
今日功成身亦  
貴可堪人記少年游

其二

十年家火煉凡鉛  
一日中原遇大還  
君自羽儀朝  
帝闕莫將鑪鼎悞青山

別于鱗子與子相明卿十絕

十年為客問吳山  
錦纜安流此日還  
唯有故人歌一  
闕行雲不度似陽關

其二

鳴鞭醉色傲幽州飲馬潯沱水亂流明月獨懸南北  
淚黃雲偏載古今愁

其三

西風獨許季鷹回紫酒青尊亦快哉八月吳江潮水  
發掛帆天際雪山來

其四

五子應從五嶽來鈞天帝享動天臺相逢此地原非  
偶散入中原豈乏才

其五

日觀峰高高插天天門雙闕俯蒼烟無人共拾金光  
草拄杖行吟望斗邊

于鱗

其六

扁舟八月向濰揚素魄含波欲似霜北地翻傳廣陵  
散故人天外意茫茫

子相

其七

徐卿抗疏擬煙霞白笈青鞋興未賒我繫漁舟問茗  
雪玉簫吹破碧桃花

子與

其八

羅浮秋至重嶙峋漳水寒流月色新南北歸來俱自  
好不知裘馬倦游人

梁公實  
謝茂秦

其九

寒裳去採漢江蘭日暮江深春水寒欲寄一枝君自  
賞傍人應作艾蕭看

明知

其十

當年季子去歸吳縞帶誰遺別思孤十二國風論欲  
盡大帆明月滿姑蘇

別弟

別時携手上河梁兩岸相看即異鄉獨立蒼茫歸騎  
晚春來月色倍如霜

其二

鳴鏡疊吹鳳池頭玉勒金羈控紫驄無那別時言不  
重逢人日日問青州

見挾彈者偶作

黃衫挾彈市人看楊柳陰中百舌寒日暮建章秋色  
裏不知何處落金丸

即事三絕

闔閭城外閃旌旗盪寇樓船十萬師為問幕中諸上  
客何人不揖羽林兒

其二

欲提長劍斬長鯨歸擁春農海畔耕縱有微勳麟閣

齊州山人集卷之四十一

上栢梁先遜侍中名

其三 謂趙天也

護軍旌傳有光輝  
馬首黃金意氣歸  
挑盡機頭紅女淚  
又勞天子賜春衣

舟州山人四部稿卷之四十八

吳郡王世貞元美著

詩部

七言絕句一百二十五首

送顧子行負外謫判太平五絕

天門秋色挂帆開  
候吏遙從采石來  
醉着錦袍明月下  
千年人道謫僊才

其二

晉朝姑熟接秦關  
飲馬淮流一線間  
今日中原無挿羽  
不妨詞客醉龍山

客路仍聞送逐臣與君那得不沾巾  
秋雲桐栢離帆影霜落丹楓兩地新

其三

其四

樓船疊鼓大江流別駕新開南豫州  
四郭春驕羅綺色向來僊客不知愁

其五

公檄寒稀郡事饒試陪賓從上陵敲  
只今惟有黃山月猶似蛾眉恨未消

揚州訪張有功不值

遙聞李白在揚州銀甕葡萄晚自愁  
曲罷廣陵人不見蕭條楓葉映寒流

其二

當時恩譴異長沙春見唐昌兩度花  
幕府夜來頻問帖玉鞭金勒向誰家

寶應湖

波搖匹練界長空天濶千帆處處風  
入霧樓臺先暝黑隔林楓葉後霜紅

其二

長天漠漠水淙淙鼓吹中流引畫艘  
南人過此看不

足北人即怕莫推總

聞子相歸不能待寄之

桐栢江頭春鴈稀故人聞向日邊歸扁舟欲繫遙相待萬戶清霜夜搗衣

送家兄君美復之江右幕職

滕王高閣枕江開萬里濤驅雪色來幕府只今誰上客知君舊有子安才

其二

東湖水鋪如鏡平百花洲上百花明宮袍小舫醉歌去咲殺襄陽空得名

其三

紫薇省中花正氛任他公檄自紛紛不妨傲吏烏皮几卧看西山生白雲

其四

吳江花發暮春衣暫逐童冠一醉歸君去正如彭蠡鴈年年還向薊門飛

其五

香鑪峰畔紫煙生鐵柱觀頭雷雨明麻姑僊人數相過倘到吳門好寄聲

暑中戲簡謝時臣索畫廬山障



亭午湘簾暑未殘  
謾勞朱李薦冰盤  
須知貌寄廬山  
障卧對飛流萬天寒

即事偶成

閭闔兵戈烏夜啼  
薊門不忝雉朝飛  
北人愁北欲南  
去南人愁南不敢歸

其二

不分朝回只晏眠  
春逢雨雪壓花天  
鄰家禁釀罷開  
市贏得囊中無酒錢

喜明卿舍人至口號

昨夜承明萬井開  
露寒星斗共崔嵬  
虛將紫氣歸燕  
石自有荆人抱玉來

寄臨清方符處士因問訊猶子元煥茂才元煥  
善書工新聲

春風錦纜三千船  
夜月朱甍十萬家  
俠客新傳方處  
士彩毫題徧石榴花

其二

君家小阮不可當  
春日騎驢辭帝鄉  
醉後曲栽梁  
苑月興來裙掩墨池霜

還吳初抵閭門夜泊獨坐有懷

十載時時問故鄉  
歸來朋舊又相忘  
城頭弦月烏棲

曲疑是幽州萬樹霜

嘲吳舍人新娶

汝去含香露未乾  
欲憑春破紫微寒  
片帆飛盡瀟湘雨  
十二峰頭黛色殘

題西濱隱君

隱君家住大河西  
楊柳雙梳水拍堤  
明粧落日浣紗女  
夾岸桃花春欲迷

再贈子與十絕

子與行余既以長歌餞別矣  
臨岐悵然飛龍之車  
隔羽翼之無從也  
因復為十絕以吳音

度之棧馬躑躅行徒掩涕矣

問余何事滯燕京  
擊筑徐卿大有情  
此日悲歌向誰和  
涼風千樹起秋聲

其二

白虹高屬薊門秋  
風暝滹沱水逆流  
自是別離關氣象  
不須開匣問吳鉤

其三

東吳王生太可憐  
別汝灑淚西風前  
一榻梁間都不下  
自瞪雙眼看青天

其四

九州山人稿 卷之四十八 五世經堂刻  
秋深桐栢水曾波明月輕帆鼓吹過倘遇少文煩致  
訊卧游山色不勝多

其五

吳王臺下水漫漫榆柳蕭條兵氣寒無那興來催棹  
去到時應自憶長安

其六

灞陵車馬斷行塵狂客新豐酒見親抵醉不曾交片  
語只今誰是語中人

其七

太湖南垞貯烟霞山繞菰城十萬家歸路暮愁雲色  
占飛流千尺瀉桃花

其八

罨畫溪頭秋水多紅粧百疊翠青羅醉後徧題蓮葉  
句蘭舟翻入女兒歌

其九

寂寥楊子著書年誰似桓譚與太玄心賞共期千古  
在莫教零落借人傳

其十

李生騎馬向邢臺擁傳君仍去未廻一柱天孫撐震  
蕩千巖日墮失崔嵬

送表兄盧生南歸

大江南去水茫茫到日秋風為解裝  
棲鳥漸聞人漸少不知何處是家鄉

其二

白雲無盡片帆飛樽酒踟躕浣客衣  
不為別離生感慨故園今日尚能歸

題畫贈別王使君

杯酒踟躕日易曛青山處處惜離群  
莫言秋色難分贈君自青雲我白雲

走筆二絕贈奕者劉生

曾陪太傅東山墅不向君王賭郡符  
敲罷一枰何所道片帆秋色滿江湖

其二

金溝清泚棟花香一局逢君坐夕陽  
莫向秋風誇石室人間歲月野夫長

贈蘇洲

此翁不知何許人醉墨灘灘若有神  
夜半酒醒尋不見滿天風雨散龍鱗

于鱗寄太行諸篇走筆以謝

太行峰色當青天刺史舉帷紫氣前  
中夜星辰低摘

盡憶余飛贈薊門煙

夜半醉過子相

北斗下卓河西流先生醉歌吟未休不為長安一片地何人能破古今愁

贈文都昌

挂帆南去楚天賒大庾峰頭明月斜我贈白雲仙尉去書來應報折梅花

別李邢州宗考功徐比部吳給事諸君時方有三輔之役

蜀漳西圻未安流大麓千巖風雨愁五馬過題春已徧猶聞使者下邢州

其二

金河楊柳未堪齊馬首傳觴白日低俠客自來輕別甚醉乘虹雨薊門西

其三

塞雲吹盡出榆關不斷胡天指掌間應是爾曹高興發忽驚飛雪捲燕山

其四

未從燕市賦招魂東海虛明孝婦冤爾道行春三輔徧蕭條秋色老中原

贈別于鱗還邢州

白雲寒鎖郡齋深  
人道朝天不可尋  
總為股肱驅傳  
去仍勞 明主賜黃金

其二

石門高峽沙丘臺  
紫馬春停天地開  
無限北風吹不  
到萬家明月待君來

其三

葡萄美酒玉壺寒  
寫向離筵淚並殘  
縱有隋珠高月  
色不知中夜向誰看

其四

薊門揮手各風烟  
並馬中原別思懸  
我欲東觀遼海  
日煩君西挂太行天

上巳與趙憲副郊游  
趙取小婦由關中  
適至口  
古戲之

秦中好女勝羅敷  
翡翠為裳香作車  
不用相逢問夫  
婿東方千騎上頭居

其二

千金西去買娉婷  
萬樹梨花飲色迎  
聞道燕京誇被  
襖讓君先賦麗人行

盧龍署中偶成

朱簾翠箔過楊花睡起中庭日未斜却似深閨嬌小  
婦樓頭癡坐怨天涯

西山道起蒼兔草中逐之不得

馬頭蒼兔剪春風一線光騰杳靄中落日平原青草  
色不知鷹隼為誰雄

盧龍署中有寄

山城小雨鷓鴣啼楊柳辭寒綠正齊我夢春閨獨不  
見怕乘雲雨問遼西

飲歐陽鎮朔即事有贈

此曲按古涼州急管清尊玳瑁愁勸爾軍中高太  
白秋來應挂卸支頭

其二

旌旗春偃白龍堆教客休停鸚鵡杯歌舞未殘飛騎  
出月中生縛左賢來

其三

欲從鈴閣借前籌姑衍條支一劔收爾自虎頭飛食  
肉不教猿臂羨封侯

其四

胡纓白馬下雙鷗降虜轅門氣不驕為問渾邪能騎  
射可如新帥霍嫖姚

過懷來羅將軍駐兵因贈二絕

碧山無限鎖龍堆  
羌笛胡笳漢使哀  
日暮春風鳴白羽  
知君突騎射雕迴

其二

將軍按甲古媯川  
萬馬驕嘶首着天  
但使王庭能絕漠  
未勞車騎勒燕然

寄紫荊龔都督二絕

牙旗高擁黑雲間  
匣裏并刀龍雀環  
夜夜胡笳吹落月  
秋聲不敢近燕山

其二

關頭畫角鎖殘霜  
十萬奇兵易水傍  
却恨單于穿塞去  
不教飛將取金章

過于鱗郡齋分賦十二體

千峰西北擁岩峩  
立馬寒雲豫讓橋  
俱道挂冠同指掌  
不知山色爲誰驕

衛河夜汎

衛河秋望接天迴  
大艚高帆擁月來  
爲問乘槎諸漢使  
幾人元是謫僊才

其二

白波如練掣長空  
上下銀河一色通  
歌罷朝來新樂



府滿天寒色起丹楓

懷徐子與

時使江南  
因還雪

馬首平城雨雪多故人僊棹雪中過寧知日暮江南  
曲不異秋風塞上歌

其二

駐馬相逢邢大夫王卮親上紫醪酥俱稱漢使由來  
貴為問徐卿定有無

懷吳明卿

時謫江  
西幕

使君車馬自風塵聞爾匡廬發興新落日千峰秋色  
裏不知何處闕嶙峋

其二

遙憐李白在潯陽縱酒狂歌秋興長夜夜銀河紫斗  
色肯教龍劍吐風霜

題沈參軍竹林圖

誰家十萬碧琅玕箇箇春雲秀可餐我是王猷君更  
熟何妨一問主人看

提兵海上戲呈袁將軍

十年文戰薊門空東海兵符倚畫熊却恨少時踈劍  
術欲將身事白猿公

寄遼陽羅將軍

十年遼海鬪兵稀胡馬乘秋轉更肥共道嫖姚新按  
塞不愁明月滿金微

其二

醫無閭畔暮雲齊回首軍城萬壘低莫恠鮮卑驚白  
馬使君原是舊安西

調唐將軍

將軍盪寇大江還蹀躞霜蹄未擬閒自是封侯飛骨  
在任教明鏡負刀環

其二

十萬樓船下瀨兵已乾東海腊長鯨如何戎角依然  
在夜夜征夫向月明

吳峻伯校諸生走筆二絕

群山秀色靜臨衙日暖風微絳帳紗萬馬自應空伯  
樂千人重見屈田巴

其二

何人東嚮坐諸生倡雪懸河稷下傾組練鎗戈霜一  
色使君親教五家兵

和峻伯蓬萊閣六絕

坐看紅日映天鷄曙色中原一瞬齊雄觀古來誰得  
似崑崙高柱大荒西

其二

虛無紫氣隱蓬萊  
水落青天忽對開  
已借鰲簪為島嶼  
還從蜃口出樓臺

其三

絳節秋逢鸞鶴群  
安期遣信欲相聞  
袖中亦有千年棗  
不羨瀛洲五色雲

其四

早晚蒼龍自在眠  
春波織就蔚藍天  
風雷忽捲秦橋去  
日月還依禹碣懸

其五

萬乘秋風屈布衣  
滄桑今古定誰非  
田橫五百應如在  
徐市三千竟不歸

其六

君汎僊槎擬問津  
我從東海學波臣  
隋珠却墜雙明月  
鯨島寒光夜夜新

于鱗嘗為四懷詩  
寔首余世貞  
焉其次四寄  
其某子甲也  
乃世貞則亦首于鱗  
餘三人同  
之寄信之矣  
風雨如晦  
飛龍車隔  
每一諷詠  
淚下綆縻然  
又有私憫焉  
于鱗故已挂冠垂  
當得會耳  
寄以言托也  
是不必數子見之

懷于鱗

黃鵠秋翔太華顛坐攀僊掌撲青天乘風忽傍東溟  
轉矯首扶桑帝日懸

懷明卿

鴻歸重枉豫章書不向鈞天夢帝居若使府公誇束  
帶便携妻子入匡廬

懷子相

越王山擁七閩秋天入東南大海收雨後虹霓看不  
見何人截取釣鰲鉤

懷子與

武平之山勝武夷汀江如巴學字移但道江山多氣  
色不知新著謝公詩

寄俞仲蔚

病後青山足卧游愁時白雪自為酬開門草色迷三  
徑刺史干旄不可求

寄謝茂秦

亦知留趙魯先生片語能尊萬乘名何事平原無上  
客却教雙壁贈虞卿

寄李伯承

漢帝秋風在栢梁一時詞賦有輝光那知此日文園

令猶有金莖露未嘗

寄盧次棟

大伍山頭花滿烟春未竟日酒罈眠不知妻子關何  
事乞取囊中賣賦錢

寄魏順甫

白雲高省意蹉跎華髮蕭條掩鏡過莫恠相聞多楚  
調秋風自傍楚人多

寄余德甫

當年握手帝城春館客平津日夜新君自誤傳流水  
調朱門只許抱筇人

寄張肖甫

離亭太白瀉流霞馬首橫刀意氣誇一自相如歸使  
後至今春雪滿三巴

寄應在明

寒燈暈碧影重重匣裏吳鉤欲化龍莫向尊前論舊  
事滿天霜色鎖芙蓉

于鱗慰余笑子有答

讀罷新詩涕暗垂朱簾愁對月如珪自來天上無知  
已虛怨庭前玉樹枝

其二

九州山人稿卷之四十一  
十年空抱兩麒麟依舊天涯一病身欲付五車王粲  
去薊門猶有受書人

戲呈王僉憲入賀

故人相見時相及但道嵇生懶自如囊裏俸錢沽酒  
盡不須重草絕交書

過靳八公題壁

相傳靳題十字於壁已遂僊去筆畫道偉勢  
若飛動而不可識余時已醉遂信筆焉

縱橫風雨尚如新下馬摩娑讀未真此際靳公應大  
笑笑余虛是謫僊人

其二

札書畫隱薜蘿寒石髓如粳絕可餐但得長生似王  
烈不須重索秘文看

答吳峻伯

李生華嶽吾岱嶽各有新詩在上頭不散星辰南北  
極未交風雨古中州

吳書來云近得足下太山李于  
麟華山詩何處更著吾手

其二

才看鳴鏑破垂楊又報金城一葉霜為問飲飛諸惡  
少何人先縛左賢王

其三

九州山人稿卷之四十一

峰迴天目柱天南千尺飛流百尺潭春使相如曾不  
到却教秋興屬盧栴

雪後有懷數君子率爾相問

聽罷塞鴻愁更少夢迴池草思偏多踈籠雲墮鷓鴣

鷓誤報風流刺史過

李有鷓鴣  
子至輒報

右李太守

小徑端為二仲開至今籃輦不曾來山陰最好乘舟  
夜怕遣王猷興盡迴

右李給事

為問萋迷金谷地可能推倒玉山無輕絃莫度思歸

引自寫新詞付綠珠

右石給事

虛勞從事青州暖任遣梁園白雪寒一自主人蓮社  
後冷家庭館勝袁安

右冷太僕

李憲使示蜀中諸詩率爾酬答

芙蓉萬仞挿天寒樂府新傳蜀道難把向風流賀賓  
客不知還擬謫僊看

剪鶴翅偶成

并刀初剪六銖衣欲向瑤池夢裏飛此日還應為竹

李山之高

住他年不許伴琴歸

其二

慚愧開籠支道林祗憐寒月九臯音不辭放門神天  
去弱水丹丘何處尋

道得前門書舍弟生一子口號

銀箭初調玉露零乍啼開府試來聽不知奎壁光多  
少添得荀家最小星

書懷四絕

上馬琵琶別漢宮玉顏休更怨東風看他前殿麒麟  
閣也自黃金問畫工

其二

休言談咲却胡烽秦將功多自不封一片平陽歌舞  
月可曾雙匣照芙蓉

其三

早聞金印出長安諸將人人擬築壇却向樂通侯館  
去玉關雙鬢不勝寒

其四

相如元自倦為郎五馬雙韃也不妨聞道枚臯方獻  
賦可煩含筆待長楊

十五夜夢中作



落日長穿虎豹群  
鷓鴣初淬五星文  
羞言尺八專諸  
鐵不挂徐卿墓上雲

感懷

戰罷西風萬樹殘  
又看桃李徧春山  
不知天地元何  
意惟有長松了不關

其二

年年秋色飽雲門  
留滯殊深 聖主恩莫向山城輕  
白日請看風雨易黃昏

醉調徐汝思不飲

去辭杯酒讀兵書  
明月青山恨有餘  
我自一騎車畔  
飲看他千騎上頭居

高唐王席上有懷齊東故王

一曲清商露未收  
坐間枚叟淚潛偷  
那堪花萼樓頭  
色半入池塘夢裏愁

高唐王卽夜宴口占

翡翠春暈金屈卮  
青天璧月浸蛾眉  
君王莫更留  
髡飲政是能勝一石時

送客呂生謁趙生因問謝山人

叢臺歌舞四時春  
君去平原客更新  
雙壁連城都不  
換却教將贈立談人



其三

初月弓彎碧海秋亂峰如鏃礙雲流鮫人只訝秦皇  
至使者還疑肅慎留

其四

不盡滄波返照紅千尋霞錦蹙回風中流忽迸真珠  
起知是垂天飲白虹

其五

漢兵飛度下朝鮮十萬旌旗鴨綠懸烽戍祇今寒月  
色可聞楊僕將樓船

其六

秋底秋風憶舊游題詩應在閣東頭長令風雨千山  
合不逐星辰五夜收

寄致仕尚書山陰何公

嵇山別墅倚雲開新放尚書天上回客至不妨碁局  
賭主恩還乞鑑湖來

戲為登州歌四章

空令小婦怨遼陽只隔風煙一水長不道天河纔咫  
尺雙星夜夜永相望

其二

十二嬌小學搗箏搗得箏如鸞鳳鳴却問秦王何處

去不教童女訪蓬瀛

其三

約伴燒香海廟行  
就中商婦獨含情  
由来海市惟看影  
恰似狂夫枉得名

其四

彈子渦畔水爭流  
小石星星滑似油  
不惜紅裙裹將去  
與郎花下鬪藏鈎

單家橋贈楊柳

十五年前楊柳條  
輕陰綠遍單家橋  
而今鬢盡如僧老  
却惟行人鬢覺早彫

代楊柳答

秋來憔悴不關情  
客鬢霜華枉見輕  
一夜東風對吹却  
請看何處綠還生

夜發盧溝有感

鷄鳴只傍五更長  
瘦馬陵競影自傷  
一樣盧溝橋上月  
不知南去便如霜

客談庚戌事

紅顏宛轉馬蹄間  
玉筋雙垂別漢關  
無限春風拋塞北  
不教青塚徧陰山

晚春

...

莫莫殘花獨閉門斜陽偏惹淚珠痕  
閨人只怨秋宵永春日何曾不斷魂

聞王明輔將游趙

卧病聞君鄴下行披衣推枕不勝情  
漳河只作西來水慷慨何人變羽聲

其二

梁王詞客有鄒枚苑雪千金一宴開  
何似蘭臺新賦就碧天無際大風來

謂謝鄭

答李于鱗

鵲湖春雨暗青山流水桃花相對閒  
共道閉門無外事才知清淚落人間

贈吏部張大夫助甫

紅羅綵繚不勝春昨夜承恩雨露新  
行過桂宮休却扇怕教愁殺尹夫人

其二

使者僂嵯切太虛長憐鮫室有人居  
自將清淚酬知己不為君王十二車

秋思

庭梧一葉鴈初飛無那金河信轉稀  
夜夜銀燈機裏盡狂夫猶着去時衣

苦熱

今年毒熱不可過中夜狂走無時間即防蒸波徙漢  
浦未有寒焰燒燕山

其二

北牕低庋不足眠河朔逃暑亦虛傳酒徒零落今已  
書即便相過無酒錢

其三

故知書齋如斗大青蠅白鳥仍相叅便論齷齪不足  
惱徑欲點污令人堪

其四

交河層冰九千丈陰山積雪一萬年只今大地多暘  
死汝休枉妬天公權

其五

青山一線接天門天圻銀河日夜奔千疊火雲低不  
度野夫今夜夢崑崙

其六

欲陰不陰雲脚微安得橫吹海水飛共道驕龍會行  
雨看他身向熱沙歸

其七

石家門前金欲流石家別館如深秋度盡清涼臺上

月玉人歌舞不教收

贈張二茂才

杜甫第

度門高枕避京塵  
驚見秋風玉樹新  
最愛謝家池草  
句不知君是夢中人

答徐汝厚惠來落酒

幾年罷郡無從事  
今日逢君有索郎  
爛醉高眠秋色  
裏不知清夜傍誰長

漫興八首

海內猶傳何李詩  
三吳少年多瘦辭  
莫將新調欺前  
輩弘治中天白日垂

其二

冥搜碧海珊瑚老  
細琢青春玉葉過  
只自人間無白  
雪不知天上有黃河

其三

古人已往俱吞聲  
眼底辭人縱復橫  
何處衣冠無大  
曆即論臺閣勝西京

其四

北地鹵莽不足傳  
濟南拮据殊可憐  
女曹輕薄莫相  
笑回首西京落日懸

其五

世人魄奪宗生奇武昌自誇節制師解道孫吳祗水  
上不愁難插漢旌旗

其六

少年書不破萬卷往往開口論千秋終南二華未挂  
眼枉殺崑崙天盡頭

其七

野夫興就不復刪大海迴風生紫瀾欲問濟南奇絕  
處蛾眉天半雪中看

其八

十年名挂齒牙間驅使風雲太不閒此日冥心還浩  
化他時只好施青山

答史秀才臣紀見寄

一掬陵陽淚未乾投將明月畏途看還應捨放荆溪  
上夜夜青天北斗寒

訪邵子弁是日以友人王太史聘入京不遇

蕭蕭寒雨叩柴關匹馬衝泥去不還倘遇故人留禁  
直莫將詩句乞青山

為馮生走筆贈別楊都督二絕

早聞楊僕領樓船十萬旌旗曉色鮮南粵東夷俱受  
首斗來金印出甘泉



其二

大江春祖甲光寒  
匣裏吳鈎醉裏彈  
幕下三千文武士  
可無書記禮馮讜

走筆呈王使君

開府樓船十萬師  
旌旗搖曳海天移  
風清月墮蓮香夜  
唯有漁舟一葉知

其二

飽飯松風任意眠  
晚涼移枕聽新蟬  
江州鹵簿時時過  
懶向人間乞酒錢

題李于鱗贈于與守汝南序後

風雨千林劍色分  
中原五岳漸離群  
莫言天上無推轂  
總向青山領白雲

其二

曾將僊籍問三山  
次第安期與大還  
惟有吳郎渾未得  
至今蹤跡在人間

贈長興鍾生

千金欲盡一身輕  
緩頰浮雲共此生  
醉裏論交醒後失  
不妨秋色卧蒸城

顧尚書有示山僧偈曰  
着意尋空未是空  
僧強余和韻仍更爲一轉  
語問僧不了吾義  
吾偈固

空了吾義吾偈又不空乎僧無語

着意尋空空未得若論空外本無空從教了却真空  
義千樹桃花自在紅

重九日登高懷故人

頻年搖落伴風塵回首連枝淚滿巾今朝兄弟茱萸  
酒却向天涯憶遠人

為謝道士題蘭卷

離離九畹暗香來讀罷玄經手自栽莫倚謝家庭內  
物不知新種在蓬萊

客談李于鱗事有感

漁門秋色遠京塵畏客時時稱採薪莫為問竒容  
酒近來年必易窺人

寄張廣平助甫六首

自甘愚谷五經春無限天涯草色新縱有除書應懶  
讀廣平還是折腰人

其二

當年宣室受釐開絳灌如聞也愛才三輔去天今尺  
五何人解放賈生回

其三

蛾眉蕭颯不禁寒青鏡流年懶自看大有叢臺歌舞

在莫將行步怨邯鄲

其四

可隨桃李恨春風曾是春風掌握中  
千尺喬松萬年雪不知天地為誰功

其五

愁聞平子賦歸田半刺翱翔亦可憐  
老病束書黃犢角不煩重數好文年

其六

雨色丹楓半掩扉交游尺素漸來稀  
無端最是隨陽鳥只作青雲一處飛

題寶竹山房為李煉師作

千挺琅玕秋色新清泉白石自為隣  
阿猷元解吾家語但過何須問主人

偶成

骨肉都盧業海中偶然相聚便生風  
何如學取龐居士了却無生事事空

其二

三載寒廬夢不成悔將餘債伴殘生  
南樓酒力初微後依舊蕭蕭夜雨聲

楊都督將解鎮賦二絕迎之

馬伏波書誰不惜杜征南傳世何知自從身掃鯨鯢  
後湖海春風徧酒旗

其二

忽雷駁散紫花文明月弓殺青海雲莫向灞陵愁醉  
尉何人不道李將軍

夏日村居雜興十絕

罷翻遺刻上烏絲且捲湘簾看奕碁猶覺閑身多此  
事石牀眠受午風吹

其二

數卷殘編了不親科頭間作水邊身恠來終日無煩  
暑應趁人間得意人

其三

曉風微剪綠陰稠剥啄柴門懶應酬卸白衣冠用御  
法野人經月不梳頭

其四

風塵十載倦歸田始向山僧學坐禪此日和禪都不  
管醒時呼酒醉時眠

其五

臙臙蒸餅甕頭春且喜農家事事真論雨論晴天欲  
暝柳梢初破月華新

其六  
斷絕人間千萬緣  
尚留篇什伴殘年  
欲知詩思今來  
懶祇乞成都成樣箋

其七  
草籥撈鰕寄此生  
早潮初退晚潮平  
直成一夢真成  
覺不博區區世上名

其八  
落拓隗穢醉後真  
子蒿應的是前身  
自緣耽酒慵開  
卷翻道莊生不異人

其九  
日脚初低樹色高  
晚涼微動鬢蕭騷  
烏頭作風白頭  
雨處處歡聲停桔槔

其十  
池上踈星浴曙波  
偶聽蛩響在青蘿  
亦知殘暑將為  
客其柰秋風感慨多

題竹贈沈山人  
小徑初抽碧玉枝  
澹烟零雨揔相宜  
知君欲寫江湖  
色懶向梁王賦夾池

病後承伴松虛白  
二上人以法語見示  
輒成三絕奉報

病起空庭秋色新  
翛然一榻淨無塵  
欲知不二門中語  
應有朝來問疾人

其二

病來渾似墮尼連  
病去俄成自在天  
為語報身俱是幻  
不知真境在誰邊

其三

勞師指示安心法  
欲覓心安總未能  
夜半披衣時自起  
一庭殘月浸觚稜

題王子裕僉憲詩畫冊後

江東再見王摩詰  
寶界山頭即輞川  
一自丹青句題後  
後白雲秋色重蒼然

嘲梁伯龍

吳閭白面冶游兒  
爭唱梁郎雪豔詞  
七尺昂藏心未保  
異時翻欲傍要離

酒品前後二十絕

內法酒出大官者  
嘗四叨燕賜及諸大璫所釀  
亦近之雖似清美  
但或甘或冽多未得平飲之  
令人熟及好渴不堪醉也

黃封銀甕出當筵  
側弁須防執法前  
何似家園紅友在  
一甌相藉柳風眠

金州山人集卷之四十一  
三  
來落酒出關中名最古色白鮮旨殊甚味宛轉  
舌端不窮以甘故不可多飲

銀餅初瀉玉生香風味由來擅索郎若比美人何所  
似太真柔膩出蘭湯

襄陵酒出平陽襄陵縣色黃白香醞而所致者  
多過甘不堪醕獨趙兵巡齎兩甌味極殊絕累  
白不厭以無甘味故也

洵然甘露布松梢似玉如飴味更饒尚有碧霄真沆  
灤無將一滴貯天瓢

羊羔酒出山西汾州孝義諸縣白色瑩徹如冰  
清美饒風味遠出襄陵之上小挾羶氣耳

清心土映五銖衣可是朱顏有愠羝為道臯蘭秋月  
下流蘇帳底見明妃

蒲州酒清冽芬旨與羊羔並而不羶遠出來落  
襄陵之上特以遠故不易得

屑瓊為麴露為漿超出人間色味香應從帝女傳遺  
法不向河東羨索郎

傳云儀狄帝女也禹時都蒲坂

太原酒頗清醇而不甚醞難醉易醒余嘗取其  
初熟者以汾州羊羔劑半嘗之寫水晶杯不復  
辨色清美為天下冠一時諸公嘖嘖輒飲至醉

未應誇翊和羹手偶向尊前釀獻酬他日却卸解圍  
後與官求作醉鄉侯

潞州鮮紅酒蓋燒酒也入口味稍美易進而作  
劇吻咽間如刺或云即葡萄酒遺法也

潞州城中酒價高胭脂滴出小檀槽華脊一去不易  
返漢使何煩種葡萄

薊州薏苡仁酒周氏第一成氏次之近得三屯  
營帥司所造當更勝絕蓋清冽秀美有出色香  
味之表者

清芬一既出水壺為問天葉似也無莫恠死拋新息  
印至今猶自勝明珠後十年嘗之  
大不如矣

秋露白出山東藩司甘而醞色白性熱余絕不  
喜之臬司因有改造終不能佳也惟德府王親  
薛生者收蓮花露釀之清芬特甚第不可多得  
耳

玉露凝雲在半空銀槽虛自泣秋紅薛家新樣蓮花  
色好把清尊傍碧筒

章丘酒去濟南不百里清味雋永自是名勝而  
人乃傳秋露何也謝少溪侍郎者佳

玉缸春色暖融融一點清冷便不同肯向邯鄲鬪穠



豔自誇林下謝家風

金盤露出處州佳在南品之上亦以不甘為難耳

空傳僊掌擘青霄可似真珠寫小槽白露白雲都不要溫柔鄉裏探春醪

金華酒色如金味甘而性純食之令人懣懣即佳者十杯後舌底津流旖旎不可耐余尤惡之欲沽春釀解春愁爛熳華胥境裏游無柰平原伴愁住令人長自憶青州

高郵伍加皮酒伍加皮草藥能去風濕高郵人採以釀酒因名有絕佳者然不可多得大抵亦病甘

甌湖酒綠如寒烟與君甕頭三日眠即使病醒不忍卻况乃去病復延年

淮安酒有一種差佳曰苦蒿味近苦而列世人徃徃重甘良可咲也

漕河兩岸碧欄杆瀉出春缸琥珀寒任道儂家勝崖蜜爭如橄欖有回甘

成都刺麻酒其法連糟置甕中中揀一蘆管使客迦吸之淺則加水至酒盡滿甕皆水也味不

能佳然徃徃令客至醉蓋眩於新奇耳

甕頭嘈嘈泣淚紅吸來應喚小郢筒何如換取蓮花  
柄千載風流屬鄭公

麻姑酒出建章味多甘以穠郁為主尤在金華

下

郵使遠將亦可憐恠來瑟縮空流涎麻姑縱有丹砂  
術不作人間第一泉

池州酒色深而味甘且釀土人極重貴之余絕  
不喜飲

池州酒釀真如油重碧穠甘瀉不流故人要我酒家  
去野夫自愛千金裘

蕩口酒范氏華氏以鶯脰蕩水釀絕如菖竹色  
而清旨爽冽醕之涼風生齒咽間美而不醒南  
酒第一也余嘗過其地醉者兩日

波如竹色酒如波勸客仍傾翡翠螺縱醉欲拋拋不  
得教人無奈憶時何

顧氏三白酒出吳中大約用蕩口法小變之蓋  
取米白水白麴白也其味清而冽視蕩口稍有  
力亦佳酒也

顧家酒如顧家婦玉映清心劇可憐嗣宗得醉縱須

醉未許狼籍春風眠

靠壁清白酒出自家鄉以草藥釀成者斗米得  
三十甌甌置壁前一月後出之味極鮮冽甘美  
酒毋啾啾怨夜闌朝來玉液已堪博黃鷄紫蠚任肥  
美與汝相將保歲寒

省坐無賴闌雜冊花草禽鳥凡十六色各成一絕  
漫題其後

凌霄花

枝牽蔓轉葉紛紛數朵烏紅學出群盤石托根君莫  
咲只言身自致青雲

金錢花

日落千緡散漫垂華清初浴太真兒請看師相城西  
邸應是河陽滿縣時

楊花

六代愁深金粉詞一溪春漲麩塵絲柔條已是無拘  
管慚愧東風特地吹

薜荔

一片蒼崖萬古秋高天翠色晚俱浮自從謝傅東山  
別未許交情到白頭

萍

洞庭天濶月橫斜浪打風驚自嘆嗟少日風光君莫問至今情性似楊花

虞美人草

纔聽歌聲舞不休楚宮猶記舊風流相逢莫奏烏騅曲腸斷秋江萬古愁

百舌

千迴睨睨復鸞丁不向東風自一鳴何似儂家卑脚鳥此生長技只呼名

山鷄

莫怪殷勤學鳳皇祇因毛羽有文章鷓鴣已自新頌朔平慮于今復拜郎

鵲

早過長信報平安晚向昭陽効合歡天上只誇頻送喜不知雙翅落金丸

子規

絡緯喚織朝從暮布穀催耕雨後晴汝道不如歸去好可將耕織了平生

鶴

引吭長鳴動九霄丹砂冠頂白雲翹自從名喚僊禽後鯁鯁吞聲恨不消

白頭翁

嚴霜種種映顛毛莫更嫌人賦老饕處處珍苞渾欲  
盡可辭羅網入蓬蒿

鷓鴣

西山罨網彌天去北極蒼鷹掠地來日夜怨啼行不  
得雄心一片已成灰

燕

曾逐東風入紫微晚拋江海滯烏衣空誇萬里封侯  
領還傍人家門戶飛

八哥

偶聽春聲墻外枝雕籠惆悵立多時分明細語傳鸚  
鵡摠為聰明欲怨誰

啄木

空林長日自敲訃一掃千章盡盡清聞道柘臺烏更  
好不知何事但吞聲

卷之四  
十九世經堂

夜不味何事卧吞覺  
空林身日自鳩信一  
耕子童盡蓋雨聞  
道林臺鳥更  
知不

舟州山人四部稿卷之五十  
吳郡王世貞元美著



詩部

七言絕句一百二十首

送張州守歸蜀

中丞為明弟也

攀轅淚灑大河干把酒毋歌蜀道難  
倘遇賢兄京兆問秋霜不改惠文冠

其二

五馬春風賓尚玄忽聞平子賦歸田  
吳江豈足無馴雉子午山頭響杜鵑

舟州山人四部稿卷之五十  
世經堂

身州山人集卷之三十一  
其二  
挂冠歸去一身輕  
瑤草華陽洞裏耕  
僊令祇今多少  
在丹或鳧鶴自來迎

其四

萬里橋下水連天  
橋繫東吳萬里船  
應有舊時松菊  
在不妨杯酒傲霜天

寄明卿邵武四絕

樵風山頭雲欲飛  
家家竹馬樵川磯  
為道新年多氣  
色樵陽太守拜 恩歸

其二

十年車馬傍星霜  
不向僊池憶鳳皇  
高閣祇今題卧  
治恠來長孺薄淮陽

吳有郡閣扁曰卧治

其三

蛾眉一向掩秋塵  
慚愧沾恩雨露新  
拭淚暗將殘鏡  
照玉顏還是舊時人

其四

海內居然七子名  
莫教踪跡擬王生  
蓮花肯作干將  
色身在光明藏裏行

松法師示微疾須陳米作粥侑以小詩

自是菴羅樹下身  
現將微疾欲明真  
莫疑香積盂中

米居士元來有勝因

郡城方戒嚴晚上人以疑被杖下獄作此慰之  
豈有沙門蓄四兵空將四大施黃荆還他業後無餘  
事身在四禪天下行

初夏屏居山亭與國手劉君對奕倦偶拈長慶  
集得一絕句云紅旗破賊非吾事黃帝除書非  
我名唯共嵩陽劉處士圍棋賭酒到天明時郡  
將以倭警師出而劉君姓與事有相合者因戲  
書贈之仍和二絕於後

角里先生無遠畧嵩陽處士有甚名若教兵法從君  
授指點安危分外明

其二

自從拋却軍符後唯愛窮身不愛名敲到半枰心便  
懶夕陽閒坐小牕明

存沒口號十六首

徐比部以言 其一

屈指中朝請劍年 主恩明白賜歸田春來秦望山  
頭好大有長安白日懸

汪中丞玉卿 其二

晚日論文汪玉卿揮毫彷彿見西京沾沾白雪無前



輦寂寂青雲要主盟

梁比部公實

其三

羅浮秋色妬歸正南海精靈南斗懸遺藁一編王勃  
後惟來男子可無年

吳中丞峻伯

其四

海岱秋風送逐臣尚留雙淚染征輪自從金印能懸  
肘肯數人問不利人

俞憲使德甫

其五

一官纔顯復途窮白簡無心也未公聞道豫章秋色  
裏蕭條歸索不禁風

張考功助甫

其六

易水東頭廣柳車看君殊似魯朱家只今無限窮心  
在羞澁雙龍匣裏花

魏濟南順甫

其七

濟上諸侯才且賢能將玄草及生傳山人自愛名山  
好不愛區區一世憐

李亳州伯承

其八

李生宦拙如潘岳健筆縱橫卒未休晚得一城如斗  
大又教青綬在前頭

張僉憲肖甫

其九

蜀中男子張君嗣曾共燕山作酒徒今日獨吟江水  
畔可能相為一愁無

盧山人少梗

其十

十年城旦赭為衣仍向侯門罵坐歸死去只知文苑  
字到來依舊識人稀

謝山人茂秦

其十一

黃河船畔曳裾人轉眼東風萬事新窮病布衣全似  
汝只殘詩筆尚如神

徐憲使汝思

其十二

自拋符節請歸耕腰下吳鉤解不平忍死為名頻見  
囑不知田叟久逃名

劉中丞子成

其十三

使君投筆走風塵一戰黃金台繞身今日漢陰烟色  
裏可無翻羨灌園人

張大僕有功

其十四

再厭承明鬢未蒼翩翩濁世有張郎生前無地容他  
酒一死翻然俠骨香

許長史殿卿

其十五

梁園朝暮擁笙歌猶有音情問薜蘿口囑去人無別  
語不多飲酒讀維摩

顧山人季狂

其十六

十勞鱗羽訪空山莫恠裁書九不還  
布帽渡頭腰挂網可堪名姓到人間

贈淮陽中丞王公子虞入戶部六絕

千帆飛粟接天流淮海長鯨一夕收  
納取伏波金印去只教單拜富民侯

其二

桃花李花互爭新柳葉柳枝俱路塵  
唯有蒼虬自霄漢不關霜雪不關春

其三

吳儂賽社乞年豐更有豐年喜報儂  
吳郡舊時賢太守壘書新入大司農

其四

濉陽佳麗古時名桐栢江清到底清  
贈取中丞厭載石莫教青雀避風輕

其五

青天秀出南岷山萬古長留白雪閒  
聞道山頭山色改欲施霖雨遍人間

其六

曾勞尺素訪青蘿回首風塵感慨多  
任是司空能候

氣不將孤劔傍星河

贈別吳子充

布帆猶帶楚雲寒  
樽酒相逢桂未殘  
明發又爲千里別  
故鄉今日是秦乾

戲贈華甥起龍

新郎玉潤眼中稀  
五日嚴程便促歸  
若使異時驅傳過  
肯教回馬歎柴扉

其二

莫將公禮惱田家  
纔得三杯帽已斜  
任爾文章能似舅  
酒狂隨分減些些

小祇園六絕

隆福寺西新種竹  
嘯雨縈烟幾萬條  
野夫晝玩興未已  
夜半來眠竹畔橋

其二

茅齋雨過秋雲鮮  
一飽匡牀自在眠  
不用經行與檀施  
生來元是辟支禪

其三

藏經閣前四青松  
白雲頂宿根苔封  
自憐霜雪嘗應徧  
依舊空山作卧龍

其四

綠楊斜館麴塵絲也解將情供別離欲識此中無染  
處白蓮花在放生池

其五

夾浦芙蓉相映紅拒霜黃菊又叢叢總為窮秋費粧  
點春來色相已成空

其六

清晨手寫一函經今利毫端已似星但使有僧能過  
誦不妨魚鳥共來聽

夜雨

酒力初消夢未成空階滴雨到天明不須身在陽關  
外白髮應添四五莖

題陸山人募緣詩卷

人間豈少嘉賓在惆悵誰營剡下資何似只携詩卷  
去五湖烟雨伴鷗夷

調郭山人

回首蒼黃劒色分中原豪傑正思君自從追取青鞋  
去且向吳山領白雲

題邵將軍海上戰功圖

吳鉞欲截海天流捷奏明光凱未收何事白茅能夜  
發一言先拜富民侯

戲為舍弟題竹贈王生

阿猷到處偏尋汝為許相將保歲寒最是瀟湘一水  
外乍晴乍雨奈人看

贈王庵上人

少日經行晚坐禪曾教舌本吐青蓮而今一字無尋  
處飽飯松風任意眠

山人戲為三空禪師云過去未來何勞子空子  
能空一切見在乎師無答山人代曰檀越饑否  
且吃午齋去

誰云見在本来空門外猶青萬古峰薺菜乍香藜飯

數留君且受午時供

慰伴松上人疾

長松葉底一繩牀瘦影凌競額漸霜拋却此身誰受  
病不勞三界訪醫王

陳生作大字用布帛隨手為之此法出江南李  
後主號撮襟書生不知也

新栽犢鼻似相如衽合臨池興有餘年少莫談蘆屋  
事幾人能愛撮襟書

病卧池亭丙夜起坐即景有感

晝卧虛堂夜起行朦朧斜月透疎櫺無端借得東隣

水一曲江州訴到明

其二

一溝流月碧潺潺翠竹蒼梧相對閑枕簟乍涼人似  
玉可憐無夢到巫山

為秋野題畫

飄盡江頭蘆荻花踈踈黃葉見人家由他庾信能蕭  
瑟社酒鷄豚樂未涯

瀘州蘇丈由夕拜謫丞吳江未署崑篆方著政  
轂與余一見杯酒平生即席有黃陂新命因成  
六絕句奉壯行色情見乎辭

才聞吳曲奏雲和忽倚征帆唱楚歌兩地春風試商  
略吳江爭似楚江多

其二

僊籍雖通未便收蘇家舊例是黃州金蓮一夜春風  
引還向釣天夢裏游

其三

百徧行杯到手空酒闌風雅自爭雄前身敢道王摩  
詰天下文章小許公

其四

欲將何物贈神君縹緲峯頭一片雲行過齊安倘為

舟州山人補入卷之五十一  
雨却來秋鴈好相聞

其五

蕭郎到處共僊班  
婁水風烟一楫間  
最是方城分掌  
握行春同上鳳凰山

其六

與君相見即相憐  
曾傍揚雄守太玄  
千疊白雲千丈  
雪不知何處是西川

史恭甫玉虛僊院

雕甍直上紫雲端  
玉砌依稀太乙壇  
元是栢梁供奉  
客山中亦自領祠官

李程二生皆國手也同入張公洞視僊人局戲  
贈一絕

還攜國手出人間  
洞裏雲封玉局間  
却道僊家無歲  
月讓他樵斧爛春山

出玉女潭逢一鶴甚秀而健啄李生與之鬪不  
勝戲作

緱山明月聽參差  
一曲纔終到鳳池  
自是王家真驥  
馭恠來凡骨不教騎

善權寺遇秀才

葫蘆酒暖急須傾  
踏遍青山不問名  
君自誤聽才子



傳當時別有一王生

出張公洞示沈道振

張公嶺頭無片雲千竒萬恠此間分丹青儻可形容  
處丘壑胸中也仗君

毘陵月夜張子歌

城頭月出水曾光城外酒罏黃栢香貪聽敲郎歌宛  
轉任教風露濕衣裳

吳門別李時養二絕

君為北客向南征我是南人暫北行陽鳥欲辭春燕  
至那能不起故園情

其二

惟汝深杯百不辭夜央相對各淒其朱門酒肉應無  
限誰解將情向別離

鳥聲

槐柳陰陰護帝城春衫載酒愛流鶯自是愁人聽  
作淚不關能唱兩般聲

其二

林間姑惡無他語只解將悲惱客眠他生未斷無明  
蓋子午山頭作去聲杜鵑

其三

南風作雨北風晴布穀朝來也勸耕五湖三畝逃名地不向人間擲此生

其四

朝來欲踏蹇驢出處處精蕪覓酒僧空林一聲行不得歸向空齋誦小乘

答寄延綏王中丞慎微

中丞繡斧下青霄十萬軍聲靜不囂何限五原春草色莫容胡馬向秦驕

其二

北風吹墮五雲翰念我餘生傍釣竿三尺要離無左臂祇留肝膽待君看

其三

十載南冠草莽臣至今猶愧脫驂人那堪一掬酌恩淚半入漁陽半入秦

漁陽秋中丞特相慰存

端午日小酌

榴花乳燕各爭新角黍蒲觴次第陳薦罷三閭還自咲此生難作獨醒人

送濟南張生授侯門教讀還里

送君揚柳蒨門青雨色能令紫馬傳莫訝荆緱歌不起橐中今是五侯鯖

其二

侯門正好曳長裾暫擁雙旌過里閭若到濟南人自  
識少年曾受伏生書

伏生授書  
濟南張生

聞命有感

還留上宰翊 皇朝天濶春風處處饒自是清時寬  
去就百年兄弟好漁樵

其二

空勞名姓玷公車萬死孤臣涕淚餘但道不堪應過  
七可能先草絕交書

其三

敢從明世擬由巢窮骨由來怯漢貂一寸酬恩心未  
死豈堪回施伯通橋

其四

一時真宰讓山公感舊能憐嵇侍中應是不經攀栢  
處斷腸秋色滿霜風

其五

玉顏零落數經秋聽說承恩已自愁宮監滿前言不  
得只將雙淚滴心頭

其六

北闕除書日日新肯留心事傍風塵城頭一片西山

色看盡人間得意人

贈蔡二戶部廣平人

九天春色散銅龍黃帝年年免上供芻粟如山揮不  
盡君家兄弟領司農

其二

參差鵷序進賢冠不獨兄難弟亦難解道滹沱饒紫  
氣至今雙壁在邯鄲

李主簿携具為別索詩

五陵車馬日翩翩上客空勞玳瑁筵欲覓阮家青眼  
去只煩流水兩三絃

其二

與君今日混風塵明發生涯各自新何限吳山何限  
色不將名姓借時人

別江上人

還將抖擻向風塵一放轂聞酒入唇莫笑野夫無所  
住出山今是住山人

其二

門前紫馬踏青苔怨別新詩可更裁回首燕山當落  
日城頭一片碧雲來

行抵平原而酒忽濁作此自嘲

使君虛忝舊青州無那平原有督郵解使壘書今夜  
至不教封作醉鄉侯

旅店夜酌

蹇驢秋色易黃昏糝米茅柴老瓦盆笑殺憨人周柱  
史偏將紫氣惱隣門

過江一絕

江豚吸浪浪花飛無數征帆下釣磯饒他比固山頭  
色不傲江南舊布衣

贈別王生

肘後刀圭倘見分不須杯酒歎離群他時天眼如相  
覓林屈峰頭生紫雲生雙瞽故  
云天眼

其二

玉壺天酒號長春五嶽金符字字真若到緱山逢子  
晉為言俱是姓王人

楚人劉司封父母

即看賢子領公車中壘傳經定不如莫恠紅顏長自  
若淮南舊有枕中書

其二

司封封事九天開雲錦天書五色裁自是僊郎親捧  
致不煩丹鳳為銜來

其三

幾度玄都鬢未華  
武陵春事近堪誇  
移將度索山頭種  
來作桃源萬樹花

其四

白鹿街芝度彩雲  
巫山為鬢水為裙  
何人得似劉綱婦  
名姓雙教玉帝聞

輓金壇曹生生  
今太史公愛子也  
美秀而文弱  
冠摧折余雖素昧  
顏色頗辱神契  
陸汝陳來徵  
薤露之章因成五絕  
俾歌而焚之墓

只解新詞入錦囊  
不知天上愛文章  
玉樓應是春光好  
肯戀君家白玉堂

其二

高樓空自遏雲新  
船到南徐便愴神  
今日郝公門下客  
始知強半為嘉賓

其三

空將汗血表禎符  
不見驂騑一過都  
剩有遺編數行在  
九泉應自勝曹蜎

其四

勞君載酒蒜山傍  
未許春風十日狂  
一曲延陵歌作  
劍白楊堆裏泣秋霜

其五

閨中雙筋夜流紅架上千年書已空聽罷丹陽垂老  
句可能還作顧非熊

戚將軍贈寶劍歌

戚將軍逐賊至閩海中夜半見赤光起波際  
使善沒者探之乃一古鐵猫也重可二百斤  
純綠透瑩將軍素有中散之技因合閩中鐵  
絲鑿煉之凡百餘火以其半為刀八又重煉  
其半百餘火為劍三俱作青色爛爛射眼一  
以自佩一贈汪中丞一以遺余許為十絕句

以謝揮筆便就文不加點酒間歌之此劍當  
鏗然和我矣

暫脫將軍鐵兩褱轆轤垂首匣無光十年俠血沾猶  
暖不試燕然頂上霜

其二

鑄成胡冶笑相看朶朶蓮花映日寒自是君家第三  
劍當年不遣贈來丹

其三

永夜清鉛淚自流不從飛將取封侯由来龍躡山人  
曉踏上瑤京十二樓

其四

毋嫌穀價抵千金一寸純鈎一寸心欲識命輕因重  
處灞陵風雨夜未深

其五

魯句滄流刺怒鯨酒闌分手贈書生芙蓉澁盡魚鱗  
老總為人間事漸平

其六

霜華出匣影迷離懶傍商山川紫芝腰下長鎌未便  
妬不須風雨論雄雌

其七

都督吳鉤月並懸中丞長缺字龍泉相逢莫道延津  
事且誦莊生第幾篇

其八

虎丘山頭夜泊舟青鋒相為割離愁吳王墓裏三千  
劍白虎于今不敢游

其九

螭頭銜玉虎絲絛白晝凌霜夜吼濤東海王生身漸  
老可能酬得呂虔刀

其十

季狂耽酒勝馮謹醉重衣侯門策懶于應為閩中魚價



賤亦曾留借蒯緄彈

汪中丞戚都督道服訪余小祇園即事

不知何物兩道士來摘香臺石上霞瞥見毫端出獅子還驚匣裏吐蓮花

其二

君將雙袖蘼芙蓉予指孤雲伴碧松解道栖楣俱怖  
鴿那知托鉢有乖龍

其三

藏經閣前風雨橫獵獵梅花飛早春却似脩羅初破  
日滿天驚散玉龍鱗

其四

罷擁千帆截海濤溪頭耐可弄魚舠那輕芥子無多  
地不論須彌萬仞高

調瞻美

自緣耽酒厭時名數畝溪田手自耕俱道鹿門多氣  
象近來添得醉先生

舟州山人四部稿卷之五十一

吳郡王世貞元美著

詩部

七言絕句一百二十五首

李于鱗損餉諸物侑以新詩走筆為謝

西山石耳堪礪齒挾露過雲味更新莫恠殷勤相寄  
贈只今誰是採芝人

右石耳

龍井儂分玉乳花虎丘余剪碧璫芽何時踞坐松陰  
下紗帽藤衫對品茶

舟州山人四部稿卷之五十一

世貞元美著

右龍井茶

七尺蒼藤織寒玉上有簷簷映眉綠昨夜方牀小簾  
眠却疑身在瀟湘曲

右藤障子

鸚鵡洲前禰客過英魂磊砢墮江波千秋一入高陽  
手為問鴟夷量較多

右鸚鵡杯

題李山風雪松杉圖卷二首

宋人為金  
秘書監

撲地漫天卒未休松杉千尺迥堪愁丹青不作王孫  
草老向胡天共白頭

其二

朝色葱朧映碧虛千峰瑤草漸凋踈何當長白山頭  
樹到了枝枝玉不如

泊高郵懷子相

廣陵東去是邗溝斜日蕪葭黯未收採就椒漿無處  
滴不須聞笛也堪愁

薛子熙會予淮口有贈

清江欲盡見清淮聽說南人便道佳何處峭風吹會  
面頓教明月挂離懷

其二

自是君才擬戴逵手搜鷄子刻新碑江南螭首應無  
限若個堪題幼婦辭

廣陵訪周公瑕不遇云自儀真失之

豪華自古讓維揚一水橫江即異鄉二十四橋歌吹  
徧不知何處覓周郎

其二

初聞相失在儀真怨水愁風且莫論道是使星還是  
客教君難辨丰間人

過中山視故人趙叅議時廢疾者十二年矣

滿庭黃葉滿牀塵摠為人踈鳥雀親與說病身應莫  
恨何人不是半殘人

其二

多買城南種秫田匡牀擁被日陶然真成四醉中山  
酒不踏人間十二年

九日完縣署中

九月九日客衣單風似并刀月似環為問羽書臨鴈  
塞何如杯酒醉龍山

其二

空庭吏散鎖楸梧不獨黃花事事無最厭耳邊重九  
字天涯兄弟各茱萸

食滹沱魚戲作

滹沱魚尾真全赤况復車輪敗後炊三輔周遭二千里從今魚樂也應知

娘子關偶成

夫人城北走降兵娘子軍前高義旗今日關頭成獨咲可無巾幗贈男兒

題馬嶺山中泉自嘲兼呈于鱗子與

坼峽分流各吐奇爭先翻道出山遲即令到海成何事竟日行吟無倦時

井陘署中偶成

霜天盡日馬蹄間濁酒青燈未破顏好道使君厨傳薄案頭長供太行山

阜平湯泉

玉乳潺湲蘭杜芳溫柔枉自別名鄉春雲若傍驪山足肯作蓮花第二湯

其二

大荒西吐燭龍涎暗向中原地底穿兩乞君王湯沐地酒泉嘗罷浴溫泉

其三

浴罷支頤坐自看五臺如案五雲端清涼燭盡人間

暑此水仍驅萬古寒

寄贈漳浦張封君

時乃子以水部治寧陽泉

閩海金波返照開一星南極傍三台君家天上張公子曾向郎官宿裏來

其二

十二梁山青刺天寧陽七十二飛泉一泉一歲釀春酒好致梁山張果前

其三

蜡湖春漲讀書堂紗帽藤衫坐隱囊總為新詩似何遜山人今帶水苗郎

栢林寺

趙州城東古栢林趙州閻黎知我深究竟現應居士法不須瓜蔓老婆心

謝萬曰忠并詢之

髡盡垂楊千萬枝又教冰雪擁皴皮不知生意猶存否慚愧東風特地吹

其二

一唱天鷄海日紅中原曙色滿千峰無端更遇姑蘇客依舊青山夜半鐘

其三

暮歷千林雨色中浮雲忽捲現長空欲知為雨為雲  
際元是青天萬里同

其四

滄海那如性海澄此中無減亦無增祇憐拈破真乘  
後依舊人間屬小乘

南和道中

流水灣環去馬遲淡黃斜日印沙陂楓人雖老稻孫  
少不到江南應不知

還宮怨

阿監初傳喚故姬六宮先已妬蛾眉昭陽夜斃寒如  
水元似增成奉帚時

其二

報道羊車指日臨莫題紈扇罷悲吟雙蛾欲畫仍教  
洗恐負當年辭輦心

呂侍郎自製棗落酒絕佳以一甌見餉賦此為

謝并乞釀方

醞醕初綠豆花香穩勝河東舊索郎今夜五更殘月  
色不須惆悵醉為鄉

其二

故園棗落霜風軟紫螿黃甘事事豐乞得君家劉白

墮步兵明日下江東

別周公瑕

月明烏鵲動離愁  
歌到周郎莫點頭  
三竺六橋渾似畫  
可能無意向杭州

別尤子求沈道振

二君皆善丹青

風軟波平天地寬  
玉壺銀酎水晶盤  
離筵好景俱堪寫  
祇是歸鴻日送難

別瞻美弟

醉裏輕舸別惠連  
醒時孤雁泣江煙  
不須論到池塘句  
酒態如兄便可憐

別曹錫子念

亂鬚不分作山人  
却買林宗折角巾  
莫倚新詩能似舅  
幾人如舅未全貧

別王復

吳船挾柁越船催  
少選須傾三百杯  
除却芙蓉池上酒  
幾家能見玉山頽

別李時養

勞君相送雪溪頭  
雪裏風光事事幽  
欲共一枰消永日  
教人重喚李杭州

別張三



千觴不醉洗天亭一曲汪倫最有情不分游人明夜月依稀拾得逸梁聲

又別諸君

尊前北斗漸闌干領取清歌半刻懽列棹迴波真自樂一官行路未為難

贈虎跑泉庵良緝上人

虎跑間居二十年可曾雙虎到茲泉山神縱有皈依念其那山僧入四禪

見逐叅方僧禁約戲成一絕

約束飛來峰去後便驅天竺舊胡神聞得未有三生

籍若個人非行脚人

峴山有朋壽堂蓋為大司空蔣公劉公大司寇

顧公築也已巳歲余與吳比部范太史嗣游焉

吳與余俱丙戌范丁亥因題一絕以為四十年

左證云

霜色蕪葭鬢共新倚來雙玉暫精神還應四十餘年後朋壽堂中第二人

應黃州惠蘇長公墨蹟却以一詩附還

研光藤紙墨華流欲舉瑤瑤未敢教總為臨池貪玉局可應遺翰去黃州

東行訪張伯起不遇飲幼子別館

柴門不啟白雲棲為憶君名未敢題何似竹林嵇叔  
夜攜琴載酒夕陽低

其二

浮雲舒卷元無意為怨猿鷲未必真贏得嗣宗心一  
片不將青眼傍他人

華婿水部以事質余湖上小語竟別

白舫青門楊柳絲湖中公事出偏遲婆娑手板桓公  
府應咲藍田晚更癡

其二

蕭蕭寒雨濕歸航片語離尊味更長此別應須不惆  
悵衛郎無病到膏肓

酌六一泉為故茅學士書院

六一居士跡不到千古人呼六一泉爭信碧山茅學  
士十年中夜枕泉眠

秋日官舍無事携元白長慶集閱一遍題此二  
絕句後置之篋中矣

十口官貧不遣隨偶携元白兩編詩花犀欲角蠶將  
蠶莫病通天累色絲

其二

連翩逐客上皇都三月中書片語無不是通江少特  
謫千年佳句一生孤

送陳生授經術吳中

知君經術自河汾坐裏談鋒欲吐雲到處虎皮應自  
徹不須羔鴈詫成群

嚴州有感

虛勞物色到羊裘咄咄老翁何所求一夜天能動星  
象千秋人不改嚴州

有懷

一株紅瘦隔天涯珠箔深沈貼絳紗欲賞清尊風雨  
隔負他三月盡時花

其二

江南秋盡鴈初飛應是深閨欲寄衣剔罷銀燈金剪  
溢一雙紅筋隱寒機

塘栖道中得轉山西報自嘲

長河風雪舞孤舟興盡真成王子猷塵世偶然那可  
料故鄉明日是并州

其二

薄祿風塵業未償除書一紙下錢塘休言宦興生平  
薄已自將心度太行

用晦寄四種杯仍係以詩走筆二絕為謝  
劉生自昔誇三雅何似君家四種杯  
哥處已贏金谷數飛時不怕玉山頽

其二

饒糴宣盤白於霜鸚鵡螺燕翡翠觴  
我欲按來成一鉢大羅天上貯三漿

贈曹子念偕舍弟游燕三絕句

江南二月楊柳陰薊門雪花三尺深  
祇為和歌燕市好不知臺上有黃金

其二

河東股肱吾倦游上書謁告行且休  
世上浮榮沾即厭不將名姓托曹丘

其三

吾家才子謝惠連兼程攜汝薊門天  
薊門五侯不解識何如乞取長瑜還

慎侍御子正借書

茗水穿階草滿除蕭然都似子雲居  
十年鉛槧頭堪白又乞邢家未校書

中丞徐公追輓先君三章甫至舉寒食  
奠感歎之餘因成二絕奉報

楊柳搖青寒食新十年天地一傷春那知郢里歸魂  
句元是南州絮酒人

其二

晝晴初解白楊哀忽地蕭騷暮響催不是墮頭春不  
到西江風送薤歌來

戊午歲叔達甥兄弟弱冠應試余寄詩勉之曰  
玉樹元雙挺鷓鴣好並翻外家饒宅相若個魏  
陽元又一紀而叔達文日益高有名然宅相猶  
未應也今年春來別余應南京試復為一絕以  
促之

休將宅相問烏衣似舅如甥已自稀却月觀頭金粟  
樹可能先折一枝歸

予方有乞休之請而日者凌生索詩遂成二絕  
一官憔悴足藏名濁酒青山供此生到了自來還自  
去鍾家錯畏管公明

其二

春朝中酒未曾醒論吉論凶總不應還却豸冠神武  
去負他頭上貴人星

得宋搨右軍帖上卷絕佳而大令帖不至戲成  
一絕

箕裘誰復二王如底事吳興一卷虛記得向來貞觀  
例黃金偏購右軍書

趙承旨為恭閣黎寫經畢以詩乞茶真蹟在余  
所戲代恭答

玉堂潤筆元無價珍重吳興祇換茶但使毫端吐舍  
利一蒙山頂屬君家

題宋榻蘭亭記後

昭陵玉匣去人間定武皇孫未易攀留得雲仍隆準  
在不教惆悵憶龍顏

題韓熙載夜宴圖

過雲歌罷舞迴風夜半腰支不屬公屈戌乍搖紗影  
弄可應人是顧宏中此圖乃李士遣宏中於韓家偷寫得者

其二

由来歌舞破江山庭樹能催王氣殘唱得浣溪宮樣  
句小樓吹徹玉生寒

其三

燒來紅淚盡辭銀花擁舒郎別院春國難家讎都未  
了可能還較絕纓人

感興六首

白家柳枝不忍折韓家柳枝却復春爭似金明池上

絮隨風吹去作沙塵

其二

桃花片片委瀟湘  
掉入桃源轉斷腸  
懊恨羲和排曆後  
不教風雨屬東皇

其三

胡牀挂壁未曾收  
欲燼鑪香裊尚浮  
行到東廊纔一步  
猛驚殘日上簾鉤

其四

峭風俄掃蕩房空  
恍忽還疑在夢中  
畢竟怨親何所似  
偶然萍水復西東

其五

欲酌仍停鸚鵡螺  
酒醒長歎對銀河  
傍人總會應難語  
但道中年感慨多

其六

單車柳色太行新  
濁酒寒燈供此身  
燕趙向來多似玉  
懶教人喚負心人

滁陽驛小飲戲作

兩三杯酒也成醉  
四十五年真是翁  
獨對瑯琊數峰坐  
可將前號讓歐公

過清流關

金州山人稿卷之五十一  
十四世經堂刻  
層崖一道寫潺湲知是清流舊日關獨樹遙天挂霞  
色尚疑飛將挾俘還

息陰樹傍冠塵俄重拂拭之餘聊用自解

欲將煩暑借風寬更起紅塵上鷓冠拭罷祇堪他日  
挂不須留待故人彈

渡黃河偶成

銀作天河玉作隄河流倒挂與天齊可憐拋向崑崙  
頂一到人間濁似泥

由寧郭抵新化鎮即事

陰溝清此復灣環桃李成陰柘間道是江南好風

景舉頭如戟太行山

其二

夾溪修竹帶青蔥便擬移家住此中却憶鄉園渾未  
乏不知何事厭江東

初登太行迴望有思

千山立馬送斜暉平楚蒼然色漸微最是東南欲盡  
處黏天一點白雲飛

臬署閒居偶成二絕

道了放衙無一事偶然馴鹿過庭除與君多少優閒  
在只是長林意未舒



其二

晉陽酒清絕可人午飲酣眠從至申賴得長安信易  
達知余懶病定為真

與張王二君彌陀寺小飲二君有惠政吾郡時

王與余談禪而張旨在玄不甚答戲成三絕

一尊蕭寺鬢毛新醉後那論主與賓我夢未醒君夢  
覺可能還喚夢中人

其二

參差棠樹五湖濱福在人天慧在身爭似懶夫窮徹  
骨西方處處是迷津

其三

張君杜口為尊玄王子縱橫豈離禪任是法門吾不  
會一杯還向炕頭眠

過亡妾殯所有感

絳羅長護曲闌干樹底春花不覩殘誰道殯宮荒壠  
畔白楊吹送四時寒

其二

去辭華屋傍荒丘兒女呼嫌不解求任使破除情字  
盡也應饒淚到心頭

其三

身州山人補遺卷之三十一  
十六世經堂  
衫羅襪彩縱橫疊胡粉胭脂滿鑑裝處處精神新分  
例不曾聽喚第三房

其四

一尊澆罷自支頤是妾酒歌薄命辭今日使君收涕  
後藥鑪禡扇暫相隨

聞南中流言有感

時稍聞彈語

朝成嫫母昨夷光未必娥眉一夜霜何似村中浣紗  
去任他明月照空房

其二

累身元只是虛名捐盡虛名事事輕折莫酒鑪禡榻  
伴也能區遣過殘生

其三

偶然文字落塵寰耐可爭名眼睫間側理細書三萬  
紙自封雲檢施名山

其四

裁呼小草便無聞祇為慙他誓墓文若道長安車馬  
色春風吹作五陵雲

瞻美有子兩月而夭走慰二絕

一枝蘭折委春煙聽說何人不解憐掌上明珠看似  
月君家只得兩回圓

其二

莫言夷甫太鍾情情到東門強自輕  
留得藍田種時法不愁無地出蕪城

偶題

許由能乞萬乘身歸臥箕山天地新  
過宿翻為竊屨客飲流仍遇棄瓢人

題畫四首

千條楊柳弄和烟漠漠輕陰好  
繫船行到酒家須少住莫教孤負杖頭錢

其二

秋老蒼山俱是骨楓丹獨樹有餘姿  
屋頭飛瀑挂不斷興在忘言柱頰時

其三

千崖落木自蒼蒼驢背看山了  
不忙欲覓九秋無限色從君叩取小溪囊

其四

青山綠樹香難分忽斷中間是白雲  
欲買一椽深處住不教名姓向人聞

有懷莫雲卿時得所寄辭翰

香煤欲冷篆如絲病起枯毫潤小詞  
忽憶莫家亭子

畔草生書帶墨為池

其二

松江潮落見鱸魚結就雙槎鯉不如最是莫卿新樣  
好開元詩句永和書

題錢叔寶臨大姚村圖

王孫自是真龍種畫筆居然掩虎兒何必大姚村下  
問米家山色見應知

馮子潛將有廬山武夷之游索一絕句為贈

匡廬五老五白龍武夷九曲九芙蓉高秋贈爾青鞋  
去踏破寒雲千萬重

暮秋村居即事

今年勝事屬田家報賽祈新樂未漉玉乳滴從香子  
糲白雲裁作木綿花

其二

東家芙蓉夾清溪萬白千紅亞水低解使秋光不蕭  
索老夫那惜醉如泥

其三

紫蠟黃雞饒殺儂醉來頭腦任冬烘農家別有農家  
語不在詩書禮樂中

其四

身州山人稿卷之五十一  
一醉隗俄轉任真東隣醒了又西隣從他白眼從他  
指自信人間無此人

其五

隣庄愛第乍移居竹裏清泉為洗厨  
裹餉欲殘喧鳥雀斜陽拈出小粉榆

其六

不論雞肋有無官但得年豐也自寬  
白紙喚將隨限了皂囊何處教人彈

湯生裝潢為國朝第一手博雅多識  
尤妙賞鑒家其別余也出古帝索贈  
言拈二絕句應之

鍾王顧陸幾千年賴汝風神次第傳  
落魄此生看莫笑一身還是米家船

其二

金題玉燮映華堂第一名書好手裝  
却恠靈芸針線絕為他人作嫁衣裳

題黃熊像

十年長泛米家船詞畫嘗誇夙世緣  
悟了去來無一物不須身挂杖頭錢

傅伯雅園亭杜鵑花二絕

百花爭向傅亭開獨有妖紅最後裁  
不是錦江新樣

錦蜀妃魂挾楚雲來

其二

倦來真覺浪游非愁見紅英浣素衣若道此花真解  
語也應相與不如歸

弇州山人四部稿卷之五十二

吳郡王世貞元美著

詩部

七言絕句一百二十三首

梓于鱗集有感八絕句

屈指燕臺被髮時調高長惜和人誰何人不誦陽春  
句只有君身那得知

其二

星河蕭瑟瀉瓊泉雪嶺差我刺九天不道鍾期身尚  
在轉翻山水伯牙絃

弇州山人四部稿卷之五十二 世貞堂刊

其三

東去名山是岱宗千秋長聳碧芙蓉誰能拄杖天門  
裏細數瑤樓十二重

其四

雪樓高傍嶠湖濱消渴頻年卧白雲問得兒駒留草  
在教人翻恨卓文君

其五

若問陵陽剖後名雙懸皎月照咸京不然仍隱荆山  
去看即須償十五城

其六

珊瑚七尺射吳天十萬驪珠顆顆圓解道人間饒異  
寶老夫親自見沈淵

其七

與君當日共三餘毫腐囊收定不如一字雕成真玉  
葉千秋忽發塚中書

其八

柴門却掃自無塵吟憶君詩靜憶身縱有餘年那足  
羨白頭誰是守玄人

將訪何元朗翰林先寄

布帆無恙出雲間泐色峰陰相對閒任使子猷歸興

發那能不訪大何山

其二

何家食品舊堪厭  
新議成來似稍廉  
我自清齋布袍  
客不妨唯有水晶鹽

故陳提舉虞山湖園有感

前牕湖水後牕山  
桃李棠梨樹樹殷  
薄行只應紅粉  
是別將春色傍人間

其二

尊前春事競爭新  
忽憶陳王句裏人  
屈指古今行樂  
處祇應唯有片時真

吳門遇朱公子扶母喪歸有贈二首

吳閭鐘動月初弦  
騷屑悲風攪夜眠  
不為斗間新劍  
氣何因得喚孝廉船

其二

三匝啼烏無樹依  
江南春盡見霜飛  
知君不領胡威  
絹雞骨支牀一布衣

酒間偶題

人言酒是銷愁物  
不到醉時愁不休  
今日較來無一  
事偶因杯酒却生愁

其二



解道死生俱是夢縱饒勘破亦奚為何如總付不思  
議權向槽立住幾時

湯上人索詩若祖惠休以詩名然作僧不了書  
此勉之

脩然一鉢一軍持坐到忘言了不疑却笑惠休緣底  
事逢人教擬碧雲詩

徽宗馬圖

天閑萬馬盡權奇寫出丹青意自悲長白山頭二萬  
匹可令龍種一雄嘶

朱宸卿墓母

浦西阡畔草離離腸斷憐君石負土時烏鳥能啼兩行  
血白楊偏送四時悲

其二

手栽松柏淚和煙念母誰如朱百年一自寒廬雞骨  
後至今猶道不禁線

沈嘉則作竈乃金陵趙子實法也子實索言又  
為口占一絕

一肩行竈付奚奴欲採寒山處處蘇煮得涼州泉水  
熟不將身到酒家胡

倚家第調送張元春游嶺南四絕

朔風吹雨欲成花，病起青衫便離家。此去不愁腰帶  
減，古來勾漏有丹砂。

其二

粵女簪頭紅佛素，夷歌一曲壓君觴。莫嫌椰酒難成  
醉，也解寬人萬里腸。

其三

筆底江山已自靈，千峰匹馬錦囊停。荆家莫詫關公  
好，大庾南頭分外青。

其四

小奴全似黑崑崙，崔躍行裝道不貧。留得越中筒布  
在，縵袍還有舊游人。

題畫甌碧牡丹

沉香亭畔玉僊俄，疊疊春山捧翠螺。何似江南天水  
碧，周娘親為剪宮羅。

周公瑕導余至胥口不能渡走筆有嘲

不煩風浪便迴舟，興盡真成王子猷。若遇鴟夷應大  
笑笑，君難作五湖游。

兩山竹枝歌

橘綠橙黃香滿枝，甕頭醞玉鱸魚絲。山中曆日由來  
少，知是江南九月時。

其二

白雲繖成繭子綿黃雲剪就稻花天千家村裏無開  
市二尺溪頭有繫船

其三

短短釵銀壓鬢鴉圍腰群捉木綿花莫嫌村塢行人  
少夫婿經商不在家

其四

我珂大船碧波間徧截玲瓏相載還最是二吳多好  
事家家分得洞庭山

題虎丘劍池

吳王愛女瘞山丘寶劍三千白虎游富時未解平親  
怨又見胥江洗屬鏤

陸羽泉

康王谷瀑中冷水何似山僧屋後泉客至試探禪悅  
味玉團初輾浪花圓

白蓮池

曉風零落滴瑤華游女爭攀似若耶若問什公應有  
解淤泥元自出蓮花

養鶴澗

龍華會上僊音鳥任是青田未許同肯向遠公爭卓

錫祗憑支遁一開籠

贈胡生

禿衿單幘據胡牀白眼狂呼罄索郎不為螟蛉收不  
得千山秋色滿奚囊

贈新蔡李生

十日平原酒未醒千迴謔浪不曾停從他異水能如  
眼可似王家伯仲青

其二

縹緲樓前玉萬家銀餅美酒不須賒請看正月江南  
雪爭似河南二月花

答徐文果

雪壓湖綿鱸水晶書郵歲歲不曾停縱然若雪如雙  
眼可似徐郎分外青

贈封比部金翁

緋衫不礙鬢絲蒼令子承恩在 帝鄉欲識故園山  
色好一官猶號白雲郎

其二

龍章親捧 帝音歸七十蕪聞自古稀種得林田都  
是酒不須隨處典朝衣

贈蘇山人

蘇山人

世經堂

神州山人稿 卷之五十一 七 世經堂  
讀君鸚鵡怨中辭何似東方愛滑稽俳調一成天笑  
動黃金將出換蛾眉

金翁八十矣為小祇園作新詞游戲三昧語走  
筆為謝

長千里頭春事繁家家玉樹待君翻多生却是頻伽  
鳥自譜僊音供世尊

其二

詞場海內舊知名到處烟花月旦評若使維摩天女  
在白蓮將贈古先生

瓜步山

佛狸南牧已千秋百草猶沾毳殿愁驅得王庭還大  
漠 高皇九葉奠神州

登蛾眉亭有懷

回首江南黯澹雲蛾眉亭畔思紛紛何因却作姑溪  
水流到長江尚不分 姑溪水流出長江自為一帶

望鐘山

劃成天塹抱天關鐵馬戈船日日間九葉神孫當此  
極千年紫氣滿鍾山

黃石磯

黃石磯頭波亂流前軍鏡吹後宮愁莫因魚服憐牙

瓜步山之高

卷之五十一

世經堂

瓜自有真龍在上游

阻風安慶

長憐拙宦似今朝  
愁水愁風上漢遙  
何似長年田鷄  
去滿帆秋色下楓橋

從彭澤望廬山決策往游示同舟者

看盡千峰意不關  
青天忽接是廬山  
未朝紫氣君休  
恠身在差峩峭舊間

董中丞淑化寄餉酒貲

潯陽江波波刺天  
峭風偏對下江船  
從他九日灘頭  
坐乞得中丞買酒錢

九江道中大風

烏頭千樹捲秋蓬  
亂激飛濤拍大空  
坐起船牕渾不  
覺此生原慣石尤風

江口望鄱陽湖感事

十萬樓船不得驕  
洪波血立注青霄  
天派一舉旄頭  
落不似潯陽枉射鮫

過九江風迅不克上匡廬自朝

月滿清尊霞滿裙  
何人不信上匡廬  
東風一夜吹帆  
去估客江陵也不如

江州問琵琶亭

亦知遷地勝長沙無那中年易憶家  
裁唱楚歌頭便白不須遙夜聽琵琶

戲題赤壁

越州蘭亭千載奇黃州赤壁今半之  
若使舟人不解說一拳頑石草迷離

道士袱

云即西塞山也

西塞山頭啼杜鵑漁濤百尺瀉樓船  
總令漁父心無事耐可中流倚醉眠

泊樊口

千條弱縷拂輕羅盡日無風少見波  
不到武昌應不恨一尊樊口聽漁歌

偶覽元白長慶集有感逝者

莫悲長慶元丞死更覓劉郎伴  
白頭何事調高酬不得一生春雪平生愁

程孟孺謁余武昌以是日至而余以是日發因偕登廬嶽各返故里遂成二絕為贈并呈豫章

諸王孫

君作游人上武昌我為遷客下潯陽  
何如一醉匡廬色歸卧滄江紫氣傍

其二

豫章隆準漢王孫推食能將國士論君去但誇廬嶽  
好此曹無念落朱門

小飲東林戲成

雙旌曙色轉逶迤那似門人籃筍遲今日白蓮無酒  
禁可知游客不攢眉

途次得邸報姚繼文少卿南太常予卿太僕因  
寄一絕

我徒蒼梧君豫章君游留省我金閭司空自有華陰  
士一拭能令兩劔霜

寄用晦君頗事丹術聊此志規

彭蠡春流白雪巖小山朱邸暮雲橫枕中那得無鴻  
寶其若當年誤更生

哭王君載四絕

婁江雲色黯芊眠知道王家玉不全七尺併埋千卷  
去的應天上勝頑僊

其二

休論騎馬與衣朱一領襤衫未破除欲向文君探舊  
草可憐強半制科書

其三

耳邊猶似歎高山忽斷飄風去不還君到夜臺無李



白也堪惆悵憶人間

其四

圍棋詩酒黯然收  
便好風光懶去游  
若向菜蔬新弄  
過可能無淚滴心頭

江上別黃生

東風吹冷軟金卮  
拋盡江南桃李枝  
佳麗不關垂柳  
事春來偏自解成絲

其二

睡醒雙筋印微紅  
小立江干怨晚風  
莫問長安天近  
遠酒人多在夢魂中

贈龔克懋文學

潦倒青衫也不貧  
濟南詩樣誦來新  
相逢莫恠難分  
手白雪樓中縱酒人

克懋藏于鱗卷後

隻字能令白雪高  
銀鈎數帙不辭勞  
青箱欲鑄應須  
鑄聞道人間購鳳毛

題于鱗集後

千秋白雪成真賞  
語向斯人已不知  
猶勝伯牙絃絕  
後一生無處覓鍾期

聞朝鐘偶成

九州山人集卷之三十一  
十一世經堂  
殘月含輝曙色疑未央鐘響度花遲披衣欲出仍顛  
倒道是寒山夜半時

初入朝屈指去國十九年矣有驚予鬢白者聊  
以自嘲

禿節漁陽去不還當時無夢更朝天莫驚容鬢如蘇  
武若個能禁十九年

送林承熙太學歸吳因簡張幼于

結客休憐金盡時吳閭處處酒為旗懷人但有梅花  
句驛使姑蘇到不遲

其二

彩筆秋凋吳苑霜張家客盡正彷徨何人直挾奚囊  
上掣取南州挂壁牀

康裕卿護朱郎中喪南歸二絕句

布袍甘浣鹿車塵別酒淒其肯入唇何限霜前楊柳  
色陌頭初贈有心人

其二

平陵結客晚知名俠骨于今死不輕若見宗人子元  
面莫將蕭育擬康生

贈郭舜舉祠部新婚

才子當今顧彥先燕中花柳勝伊川自從二陸為文

友乞得雲間贈婦篇

其二

紅蠟初鎔雙鳳皇  
新詩句好自催粧  
不須談到如臯後  
一咲先應喚郭郎

答許歆卿長史

蓮花簇就濟南山  
湖上看山盡日間  
一札十行文似錦  
非關長史戀人間

其二

拂袖淮王桂樹雲  
遠游名字不教聞  
自從深得山陰趣  
玉室金庭報右軍

其三

親扶豸角汝陽田  
不向東風費酒錢  
擁篲蒼頭誇誦賦  
搗箏小伎解恭禪

其四

踏青風滿白楊枝  
雲到牙山黯自遲  
冢上彈琴應莫恠  
人間能得幾鍾期

于鱗墓在濟南

其五

圉子城邊春打圍  
割鮮呼酒去如飛  
一從上客申屠府  
不道袁絲罷相歸

袁相公時同里

其六

齊州山人高

續斧朱鉏引碧油風光差勝廿年游東州老舊毋勞  
羨鏡裏清霜半上頭

清涼雜詠

繡衣柱史何昂藏自免不復稱為郎尊前鳳舞花難  
夜門外烏啼月是霜

其二

鄭老揖余過鄭園賣文錢盡強開樽那知昔日曾游  
趙雙壁由來祇片言

其三

清涼十日東風顛陳家從事絕可憐不須仗爾誇投  
轄我自能停步口船

其四

客腸鬱鬱誰為開任俠何如汪秀才仲冬霜冽不解  
冷有時自挾春風來

過分水作

一水雙分作順流風帆喚月不須收拈將印渚脩齡  
語翹足微吟下濟州

送沈司訓之仁和

七百里多平水面江南大抵是僊官寶帶橋頭別親  
舊鶯花一路到臨安

其二

西湖是處美人粧  
天竺松風吹逸梁  
便携罷講諸生  
去何必誇他馬季長

其二

手板拋來盡日間  
吳峰青比玉峰殷  
若語傍人應不  
分一生長對案頭山

投慈氏寺宿

日落山門閉未曾  
芑芻前揖大中丞  
騶呵散盡篝燈  
語元是人間行脚僧

其二

入門金像欣然笑  
笑我津梁老此生  
兜率天中觀自  
在不知賢劫也求名

雪後問春申臺

壽州城內春申臺  
片片寒花飛作堆  
令尹玉纓看不  
見舍人珠履踏還來

即事題小亭

過雨山城綠欲齊  
一群嬌鳥踏枝低  
不知謝豹今何  
處應在春明門外啼

其二

鈴閣沈沈草檄稀  
衆榆雖好傍斜暉  
莫嗔腐鼠將鴟

赫元是鷓鷯出世非

對花

一春孤負一春天半日強拚半日眠酒病畏深詩畏  
淺將何別策向花前

江畔濯纓亭贈柳常侍

一抹青山墮酒卮濯纓人醉天漣漪莫驚常侍仍呼  
柳曾賦滄波太液池柳常侍憚有太液滄波晚句

其二

漢江隄畔草芊芊蠟屐登山醉欲眠天際香鑪君自  
見可能身染玉京烟荆州圖記云武當山峰首狀博山香鑪

大廷尉孫公山甫聞予閱兵以六絕句見遺此皆公節制之師予樂觀厥成耳輒勉奉酬以伸

感謝

大府橫開漢水濱天王三錫壘書新君看猛士如雲  
擁來聽輕裘緩帶人

其二

山蟠庸漢帶中州水壓襄荆控上游謀帥自來先禮  
樂干城元不要公侯

其三

三千組練控雕弧竦立轅門聽若無閔罷不須鞭貫

耳此軍原屬闔於菟

其四

南陽谿子鏃如矛板楯巴賓虎見愁俱道普天無  
白羽技成何處覓封侯

其五

疊鼓鳴笳漢水渾牙前飛將按三門恠來全似吳宮  
隊舊帥從知也姓孫

其六

增色水增波爲是清風古甫多江漢自來周雅  
新句入饒歌

輓程廣文三絕句

九歌垂就涕先零恨殺青衫到底青昨夜微茫牛斗  
分不知飛上作何星

其二

滿地春風避草廬悠然一夢已遶遶由他秘器東園  
美不匣儂家萬卷書

其三

三絕風流數鄭虔到頭生事僅寒糴古來文苑君知  
否一卷殘編了百年

寄送姪孫鴻臚定鼎

年州山人高

十八世徑堂刊

青衫垂故鬢絲新解帶能眠丞相茵縱有懸河君莫  
盡古來三語定何人

其二

當年公望有安期今日藍田玉一枝若問江東米貴  
賤但言王掾未全癡

其三

吳閭風起木蘭橈祖道秋新綠旆驕見說時清官更  
好教人何地問漁樵

其四

金馬門前無限春歲星何處不藏身明年社肉初頒  
後可向天涯憶遠臣

送孫兆孺還華容

玄經罷草不勝閒愁遣幽人問字還別後相思何所  
道尊前秋色似君山

其二

鈴閣深沈漏漸稀新涼綵綵上荷衣相逢始信無官  
好今夜思家明夜歸

趙中丞良弼便道過里為促其行

武昌為祖接天開六月風清御史臺休汝莫令車騎  
衆燕中專待一驄來



補題冬日村居四絕

綿簫風急蟬全肥  
黃雀頭頭飽不飛  
自有牽綿新釀  
在不煩機婦授寒衣

其二

莫恠田家置酒頻  
綿花盈積米盈囷  
從他俗飲無妨  
事七貴筵頭俗殺人

其三

踏車剝水欲深池  
看網銀鱗過別陂  
刮面西風渾不  
峭烹魚壓酒夕陽歸

其四

衝寒來叩野人家  
不遣蕭條負歲華  
蜜結苔梅俱磬  
口青葱簇出水仙花

送於信夫還武陵

千疊青山擁上游  
戟門翻見武陵舟  
鄖江一線成歸  
路可似桃花洞口流

其二

拋却銅符十五年  
談玄倦了復談禪  
石頭路滑君知  
否明月家山自在圓

沈侍御汝材按秦至耀州而卒為四絕輓之

秦中秋盡法星殘  
祓禡城頭黯淡看  
從此栢臺烏不

住白楊風色四時寒

其二

抗手輶軒西入秦  
藍田玉折竟成塵  
蛾眉班上應愁  
看鴻鴈行中少一人

兄為侍御

其三

遊子魂無憶故鄉  
一身天地任茫茫  
車前素旆悠揚  
去猶帶西臺御史霜

其四

莫恠休文減帶圍  
由來僂骨不勝衣  
孤山一片梅花  
月可是能騎鶴背歸

君杭人也

答李侍御惟貞時方按柳州

瘴色驚霜一馬驄  
故人誰似李端公  
柳州垂柳應無  
數心在襄西落木中

其二

鄖嶺春初雪不殘  
柳江風物已堪觀  
莫言嶺表無他  
寄蕙實能黃荔子丹

春寒東閣外花事未動有感

陰風獵獵雨絲絲  
苦勒新紅未上枝  
人道春光從此  
出不知元自得春遲

其二

空傳驛使到天涯不見梅花寄一枝  
奔山園裏千園玉盡日輝煌為阿誰

聞教美使秦中要取道太和一晤

懷中白壁月同圓縱入秦庭莫浪傳  
可怪人間無合處鄖江虹色已經年

其二

蓮花朵朵撲玉關使者褰帷紫氣間  
分付錦囊收拾盡與君移較太白山

摘菜甚作供二絕

鄖中初夏櫻桃後無它果惟後庭有老菜二

結甚頗繁指麾兒輩摘嘗之初縮胸不立樹

蓋南中諱以為儉歲之食故也記張天錫自

涼州歸晉人或詢涼風物天錫云菜甚甘香

鵝臛革響又謝公問此味有王甲云菜甚可

比黃甘恐公不信候熟時馳駿馬采供公大

以為美云此味佳何黃甘之足儼然則菜甚

固嘗比有名果薦御王公矣戲成二絕用以

解嘲

薦紅黝紫簇成堆但摘兒童莫更猜  
說與故園風物好玉盤冰醴浸楊梅

涼州渡莫小江南來甚雖鮮也未堪解道謝公懷遠  
畧已誇風味勝黃甘

贈寄陳道易

處處憑鐫幼婦辭銀鈎搨得慰相思襄陽峴首依然  
在干載惟談墮淚碑

其二

休汝母言計盡非麥田雖薄價還微吳閭舊俗君應  
曉番橐歸來未當歸

以魯吳州印杖并詩贈九十七左翁

百年踪跡僅庭除母事門人進筍輿欲識使君珍重  
意益州方竹右軍書

太和絕頂贈敬美少忝弟時游自太華新領部

南康為匡廬主人

玄嶽能玄太華青到來詞筆動山靈莫言遷客

恩波少何似金門老歲星

其二

太和宮闕寫黃圖匡廬舊稱天子都共是玉皇香案  
吏不妨南北領香鑪

其三

汝兄新賦未堪難  
嶷色撩人試自看  
但使登高須授簡  
主恩新拜大夫官

其四

驚笙鳳管寫潺湲  
豹尾熊幡簇滿山  
疑是茅君兄弟別  
未分天上與人間

王上饒將入覲與余有酒人燕市之約尋余赴  
留任歸里君亦當便道省覲走筆戲贈

駟馬于公愛里闡雙鳧葉令畏京塵新豐酒價毋勞  
問且作高陽社裏人

弇州山人四部稿卷之五十二

